

AWAJUN

Ijunja unuimajagmi

5

Uchi 5 mijan ajamu takastin

La ciudadana y el ciudadano que queremos





Ijunja unuimajagmi

5

Uchi 5 mijan ajamu takastin



Ministerio de Educación

Dirección General de Educación Básica Alternativa, Intercultural Bilingüe
y de Servicios Educativos en el Ámbito Rural

Dirección de Educación Intercultural Bilingüe

IJUNJA UNUIMAJAGMI

Cuaderno de trabajo y folder - inicial 5 años Awajún

©Ministerio de Educación
Av. De la Arqueología cuadra 2, San Borja
Lima, Perú
Teléfono: 615-5800
www.gob.pe/minedu

Quinta edición, 2021
Tiraje: 4 387 ejemplares
Impreso en setiembre 2021

Elaboración de contenido

Yanina Cuñachi Caicat

Revisión de contenido

Claudio Wampuch Bitap, Ramon Nampag Esamat
Angela Majuash Ukuncham, Lady Akintui Tsajuput

Revisión lingüística

Claudio Wampuch Bitap, Ramon Nampag Esamat
Angela Majuash Ukuncham, Lady Akintui Tsajuput

Asesoría y revisión técnica (Digeibira-DEIB)

Martha Morales Quiróz
Bertha Liliana Pacheco Díaz

Ilustraciones

Piero Bejarano Scamarone
Archivo Digeibira-DEIB

Diseño y diagramación

César Adolfo Yeckle Castro

Cuidado de la edición

Mabel Mori Clement

Impresión

Se terminó de imprimir en setiembre de 2021
en los talleres gráficos de
Quad Graphics Perú S.R.L
Av. Los Frutales N.º 344, Ate-Vitarte
RUC N.º 20371828851

Hecho el Depósito Legal en la Biblioteca Nacional del
Perú N° 2021-07890

Este material no se puede reproducir total ni parcialmente sin
el permiso expreso de los editores.
Impreso en el Perú, *Printed in Peru*



Iwainamu

Uchuch nuwauch, aishmag aidau.

Juti unuimatjin jetemjin Dirección General de Educación Básica Alternativa, Intercultural Bilingüe y de servicios Educativos en el Ámbito Rural – DIGEIBIRA del Ministerio de Educación "Eme anenjamás, papi takaku unuimatain, atumin uwegmin idaitugmawai. Kumpagmijai ijunjajum, jintinkagtinjai, nuwigtush pataim aidau, yaimpakmatai shiig wakejusjum unuimagtatjuwe "

Papijum takakum shig wakejusjum wainkattajume atumin batsamtaijum, nuniakum dekattajume pataim eme anentsa diit, antsamek ikamjumesh ajantusa diyakum, kuwitamsa takat unuimagtatjume.

Muunta chichame antakjum unuimagtatjume, tajimat pujut, tikich pataim aidaujai.

Aniaku, atuunika egakagmi, ashi ijunja waitkas batsamain.

Takat papiigmin umikbau takakjum shiig dakunkut unuimagtatjume: wasugkamat, ejesmamu, dakumu, jakimtikat, nuwigtu wakesa agat. Nunuiakjum ejetatjume atum anentaimtugbau.

¡Ijunja unuimajagmi!

Glosario

- jakiti= color
- yajimtikat = pintar
- kenu = lápiz
- ichikmaamu = triángulo
- tente = círculo
- tatagmamu = rectangulo
- papi tsupigmaunum dakumjamu = tarjeta
- yujag dakumjamu = ilustración de las frutas.
- dakumjamu = figura
- ijunja takastin = grupo de trabajo
- niime =imagen
- tsentsakam achimtikata = une con una línea
- pusut = punto
- papi muun wegkajam = papelote
- dakumkagtamu = dramatizar
- dakumjamu anuja emamu = secuencia de imágenes
- takatai = hoja de trabajo
- tsuwamjamu = limpio
- dakumjamu = silueta
- dekatkau= primero
- patatkau = segundo
- nuwi patatkau = tercero
- yagkuatin = durante la semana
- púkuts = suave, blando
- yapinum atektumtai = máscara
- tewa = pelota
- dakumjamu pachimjamu = rompecabeza


Niimem dakumkata,
dutikam daajum
agagta.







Yujag juwaamu



Daag:

Ikamia yujag juwaamu

Jintinkagtin ujamau

Jintinkagtin muuntan asaukaji tikiju ajamunum uchijai yujag juukmi tusa wenawai.

Muun asaughtin uchin ujawai wajiyai yujagkesh jutaiyaita.

Tuja inak juwakuish wajuktaiyaita dukuji wakanjun jujuki tusaish, nuwigtush shiig tsamaku mamikia juuka yuwamatasais.

Muun yaki waka yujagken tsujig akaketai uchi aidau juki ijumainawai.

Muun asaukagtin uchin ijumag ujawai yujag tsamaku diisa etegja batsatan.

Wajuk muun jintiame nuna adeajag uchi aidau yujagken etegkeg batsainawai.

Uchi aidau maki makichik wajaki augmatuinawai wajuk yaimkaje yujag juwamunmash.

Iniimaun aimainawai:

- Waji yujag aidau juukmaji.
- Wajuk muuntash yaigmaji.
- Yujagkesh wajuk juutayaita.
- Waji atsumaji yujag juuktasais.
- Yujag aidau pachimja ukukmash wajukmainaita.

Jintinkagtin uchin ujawai yujag tsamaku chanag aidaujai pachimja ukukmash wajukmainaita.

Waji yujagnak juwakug muuntash yapin ipakjaish yakamajash weu aajami.

Yaa yaimainawa

Muun asaukagtin.

Tuwi takanua

Asauk dekatkaunum.

Dakumkata wajuk ikamia yujag juwamunmash yaimkamume.





Daag:

Yujag juwaamu wasugkamami

Jintinkagtin ujamau

Uchi yujag juwaaku wekaesamujin augmatuinawai, nuwigtu wajuk etegjag akanjagme nunashkam.

Jintinkagtin tanishnum anujui yujag nejeka wajau dakumka tsupigbaun.

Waji atsumaji yujag juuktasajish.

Uchi yujag yuwaaku takatain adayainawai.

Jintinkagtin yujag juwaku takastinun tsegkenan chagkinjai iwainawai.

Uchi tsegkenjai yujagken tsujig chagkinum egkeawai.

Uchi aidau kam kam juunikag papii yujag dakumja tsupija anujamun tsegkenjai tsujigkag chagkinum egkenawai.

Yujagken tsujig chagkinum egkeatakama agaa ajuakug nuwig ukuktatui.

Ayamtainum kaunawag yujag chagkinum chimpipun jiiinawai.

Nuniak inimaun aimainawai:

- Waji yujag aidau juukmaji, wajuk yujag aidaush juukmaji, tuwi yujag aidaush batsame, tsegkenjai yujag tsujiamush utugchatka.

Yujag juukmaujin adeag akanag ijumui, nuniak jintinkagtinun ujawai wajuk akanjash ijumjae.

Papii takatain dakumjamu S1 nuwiya ayaun jukiag takainawai.

Tuwi takanua

Ayamtai agajin.

Waji atsumnawa

Yujag yaas chanag muun uchuchijijai, apai muun uchuchijijai, inak muun uchuchujijai, achu muun uchuchijijai, numi esajam tsegkenjai yujag tsujigtin, chagkin yujag chimpiatin.

Yujag aidau diisam betekmamtin wainkumek chagkinum apatkam chimpiata, kumpajum ujakta wagka apatkamesh chimpiaume.





Durazno







Manzana



Uva



Mandarina



Daag:

Yujag tikich nugkanmaya dekaami

Jintinkagtin ujamau

Jintinkagtin ikamia yujag dakumjamun uchin iwaintawai.

Uchi aidau yujag waintaijin papii tsupikmaujai dukuka ukuawai.

Jintinkagtin uchin iniawai: yujagke daajish tuu ainawa.

Uchi aidau augmatuinawai yujagken jakitin niimen diisag.

Tikich nugkanmaya yujag dakumkamua dusha iinia yujagjai apatka diyamash tujai betekaita.

Jintinkagtin uchin ujawai juju yujag juuka tikich nugkagmaya yutai ainawai tusa. Tikishnag iina nugkenig kaunin ainawai.

Yujagke daajin nuwigtush wajuku niimesh ainawa nuna uchin ujawai.

Yujag **capulí** tutaig makichik jigkayi ajinai, shiig yumigtinai, shuwiyajai betekai.

Yujag **tuna** tutaiya jujuka yuminai, saepeg jagkigtinai nuniau asamtai kuwitamsa pakatia.

Yujag **durazno** tutaig yuminai, saepeg pukuschi, makichik jigkayi bachutjau ajawai.

Jintinkagkin suwawai uchi aidau papii tsupigbau pag. KI awa nuiyan.

Uchi aidau adayainawai yujagke daaji aidau, nuniak juuninawai yujag takamchau nuigtu jimaipituk niimtinu pachis wasugkamatatus.

Jintinkagtin tinamui takatain.


Tuwi takanua
Ayamtai.

Waji atsumnawa


Durazno, uva samekbau, manzana, pera, aidau dakumja anujamu. Nuwigtu yujag iina nugkenia dusha agkan dakumja anujamu atatui.

Dakumkamunum yamtame dakumjukta.





Shiig wakenujai



Kumpajuk shiig wakejinuwe

Daag:

Yujag shiig wakejusa yutai dekami

Jintinkagtin ujamau

Ikamia yujag ikaunmamun uchi diinawai.

Uchi aidau yujagken achikag, kugkuas, yusa dakapenak yumiskajin, jakitin, kugkuntin etsejuinawai nuwigtush ujjatainawai wakejusa yutaijin.

Yaunchuk yujag pegkeg yuwamujin adayainawai.

Uchi aidau jintinkagtin tikich yujag dakumjamu iwainamun diinawai.

Uchi nuwa, aishmag aidau yujag wakesa yutaijin etegkenawai.

Yujag wakesa yutaijish wajukukita nuna etsejuinawai.

Uchi aidau yujag yuchataijin mamikiawai nuniak augmatui wagka dakitawa nuna.

Uchi nuwa aishmag aidau chik chik kumpag. egainawai yujag nii yutaijin betek yuchaun. Kumpag. igkug iniawai wagka yujag eteja nunash ima wakegawa.

Jintinkagtin uchi papii takatain, kenu nuwigtu jakimtikain aidaun tinamui.

Waji atsumnawa

Jintinkagtin ikaunmattawai: yaas, yumug, wakam, akagnum, kugkuk, kunchai, daum, taperibá.

Ikamia yujag dakumja iwainamu: tauch, inak, shuwiya, sampi, wampa, pau, apai, chimi, kushikam.


Tatag samekbaunum yujag wakesa yutaijum, yuchataigmejai dakumkam jakimtijata. Nuniakum tatag wigkaya awi yujag kumpajum wakesa yutai dakumkata.



Three horizontal dashed lines for writing, positioned to the right of the illustration.

Mijantin bakishkia
yutayaitjai,
yumiskachuitjai.
Jigkaijunak saepjujai
shiig juuka
atushat ajapen ainawai

Wisha yaitja



Anentaimsa adaiyat unuimagmi

Jintinkagtin ujamau

Jintinkagtin anentaimsa adaitain uchin augtawai.

Wakejus yujin ainawai,
niimjuk yagkuwai,
yujuinakug wenin
ajatin wain ainawai.

Wisha yaitja

Jintinkagtin uchi aimaun antawai.

Jintinkagtin uchin yayawai anentaimsa adaitain daajin ejeti tusa yujag dakumjamun iwaintak.

Jintinkagtin dekatkau anentaimsa adaitain agagbaun aujus nagkanak, uchi aidaujai dakumjamun diisa adayainawai anentaimsa adaitai daajin nunik anujui yantamen akanak.

Patatkau agagbaun aujai nunik yujag dakumja akanjamunum anentaimsa adaitai daajin diisa ejewai.

Aikasag emawai uchi anentaimsa adaitai daajin ejeti tusa.

Tikich anentaimsa adaitain jintinkagtin iwainawai.

“Makichik jigkai shuwin
pegkejush wajaknaitjai.
Saepchijuk chichapchi,
Etseek wakejus yujin ainawai”.

Wajuk takasam tantaume aikasmek emata uchi anentaimsa adaitai daajin ejeti.

Jintinkagtin uchin papii takatain kenu jakimtiktaijai tinamui.

Tuwi takanua


Ayamtainum.

Waji atsumnawa

Ikamia yujag dakumjamu: tauch, daum, yaas, yugkua, kunchai, akagnum, kugkuk.

Anentaimsa adaiyat jintinkagtin augbau antukam, daaji ejeyim dakumkata.





Daag:

Bikut ikigmaja yutan jintiauwai

Jintinkagtin ujamau

Jintinkagtin uchijai chichak tawai, uchi nuwa aishmag aidau atum uwejum bika aig mama yuwamun wainkajai duwi ipajime Bikut pachisa augmatbau antukmi tusan.

BIKUT

Makichik uchi aishmag akinaya tuwajame. Nunikmatai apaji chichak uchi waimaku, kakajam ati tajai tusa, pipichik umumainchau asamtai baikuan ujutchinum tsae tsjetas ema akujia tuwajame. Akujam kanagmatai juki tampuchijin egkes suwen jujuk jakai tusa yumi uwejen uchupig suwen takaju, uchuptau, weniuchijin yumin dakitau dutikam nuna uwas egketu tampuchijin. Duti dutikam magkau uchi shitamu wekagu. Nigki wekagama antai dukapesh kesatus amau.

Tuja duti dutikam muun wajas nagkamau waimatan, nunik chimpuinum ekentsam pujus jintinkagtau pujutan pachis, tajimat pujustinun, jega tsuwamja pujutan, iyash kuwitamtan, nuniak wakenun wemesh, shikipakmesh, shiig ikigmagjum yuwatajum tiuwai.

Bikut jintiamun pachis augmatuinawai.

Jintinkagtin iniimui:

- Wajukmainaita uweg bika aig tusash mama yuwamash.

Uchi susata papii takatai, jakimiktai ajatin aidaujai.

Yagkuagtin takastin uchi susata papii takatai pag. 203 agagti tsawantai ikigmamujin.

Tuwi takanua
Ayamtainum.

Waji atsumnawa


Yumi, japug, tsapa, agkunip. Tijig, ajatin aidau. Ikamia yujag dakumja iwainamu: tauch, inak, shuwiya, sampi, wampa, pau, apai, chimi, kushikam.

Yutai ikigmatsuk yuwamash wajukmainaita nunu dakumjamu jakimtijam iwainakta.







sukutin



papapatu



bichatin



Daag:

Ikamia yujag yuta unuimagmi

Jintinkagtin ujamau

Ayamtainum kugkuki nejen ejewai.
Uchi kugkuk diisag augmatuinawai
nuninak etsejuinawai wajuk etseka iminka
bukuntayaita.

Kugkuk jigkaintin asamtai kuitamamsa yutan
chichainawai.

Jigkayin kajemjaig tusa.

- Wajukmainkita kugkuk yumi nimpainnum egkea ukukmash.
- Wajukmainkita yumi bichatnunum egkea ukukmash.

Jintinkagtin uchi chichamun papinum agawai.
Kam ichinak yumi bichatin, papapatu, nuwigtu
sukutin aidaun yajakag batsainawai.

Shiig esetus diinawai kugkuk wajukeawa
nuna.

Apatuk diinawai nagkamku wajintuk
agagbauwaita, yabai takasa inagnaku
dekamujjai.

Tikich yujag aidau kugkukjai betek inagtaish
tuu ainawa.

Kugkuk iminak kugkukjai yuwinawai.
Nuwigtush aneaku yuwinawai kugkuk jigkayin
kajemjaig tusa.

Tuwi takanua


Ayamtainum

Waji atsumnawa

Kugkuk, ichinak, yumi sukutin, papapatu,
bichatin.

Yumi ichinkanum yajaka batsasbau diisam kugkuk wajukunma etsekmaji nunui dakumkamu anujata.





Daag:

Wasugkamtai tutuweu najanat unuimagmi

Jintinkagtin ujamau

Jintinkagtin uchin chiwi yumi, batae aidaun jigkajin iwaintawai, nuniak iniawai waji jujaish najanmainaita tusa.

Jintinkagtin uchi aimaun antawai.

Jigkai aidaujai wasugkamtai najantan jintinjamati tusag muunta jeen wenawai.

Ayamtainum kaunawag muuntash wasugkamtainash wajuk najanme nuna adeajag chichainawai.

Jintinkagtin uchin tinamui papii takatain, nuniak wasugkamtai diisa najantain aujuinawai adeag takasagtatus.

Uchin batae jigkayin tinamui.

Jintinkagtin uchin wakemitkawai tutuweu najanat umikbaun.

- Batae jigkayi kuwim jukim najankatajum waa najatuamu etejata.
- Batae, jigkayi, ipakjai ipakuata.
- Wasugkamata waa jimag tsajam uwegmejai epetkum, umpuakum tsajam uwejum ujaim epenkum pegkeg shinau antuktatme.

Tuwi takanua

Ayamtainum.


Waji atsumnawa

Batae, jigkayi, kuwin ipak.

Wajuk najantaiyaita wasugkamtaish, nunu diisam najanata.



Three horizontal dashed lines for writing, positioned to the right of the illustration.



Daag:

Wasugkamami jigkai tishikiamu

Jintinkagtin ujamau

Jintinkagtin uchin jigkai aidaun iwaintawai, nuniak iniimui:

- Jigkaijaish wajuk wasugkamainita tusa.

Uchi aidau chichaman uminawai maanitsuk wasugkamatnun.

Jigkaijai wasugkamkujik iina kumpajijai tukuniitsuk, apatsuk, dujinum egketsuk, kuwishnumkesh egkeashtatji tusa augmatuinawai.

Jintinkagtin uchi ujawai wasugkamattaji jigkai waa tenteamunum egkeaku tusa.

Uchi aidau dakapdayainawai tenteamunum jigkai tishikia akagkeka egkeamum.

Jintinkagtin iniimui.

- Tuu jigkai tenteamummash tikijuchish iyame.
- Tuu jigkai atushtash iyame.
- Tuu jigkai tenteamunmash egkemaē.
- Tuu jigkai tenteamu aganish iyame.

Uchi nuwa aishmagjai etsejuinawai maki makichik jigkai iyamun.

Tuwi takanua





Ayamtai agajin.

Waji atsumnawa

Jigkai kagaju aidau.

Jigkai tishikiamush tuwi juwakme nunu dakumkam kumpajum ujakta.





Ikamia yujag yuchatai dekaami

Jintinkagtin ujamau

Jintinkagtin uchin ujawai yujag yutai aidau tuja yuchatai aidaush wajuk dekamainaita nunu augmatbaun.

Ikamia yujag yutai tuja yuchatai aidau dekamau

Wi pipish asanuk apachjujai ikam wekaeyin ayajai. Jintaa wesa yujag ayau wainak ujatak tuyi: juka chimi, kunchai, inak, apai, shagkuina ainawai juka yutaya tujuti. Jujunak kuntinush tsamaka kakegun kautin ainawai tusash ujati.

Yujag yuchatai aidaunash numijin antig nuniashkush neje iyajun iwaintujak juka daajig juju ainawai tusa ujamin ayi: juka kaashnum, tsegasnum, kupat, yumpig, tsapatag, shishim, yugkuanim, bakaig aina juna nejeg yuchatia yapau, tsupau aina duka apashtaya tuyi.

Yuwajik jataiya imaka, wake inagtaya nuniaku ijagki jataya tujash kuntin aidauk yuu ainawai ditash aidau asa tusa jintinjin ayi.

Augmatbaun shiig jikatus uchi antuinawai.

Jintinkagtin iniimui:

- Yujag yuchatainash wajig yuu ainawa.
- Yujag yuchatai yuwajish wajukmainaita.

Papii takatain dakumjamu S2 nuwiya ayaun jukiag takainawai.

Tuwi takanua

Ayamtai agajin.

Waji atsumnawa

Dakumjamu augmatmau pachis.

Augmatbau pachis kam dakumjamu.

Uchi yuwinak batsata nunu diista, nunikam yuwawajash wajukenawa nunu dakumkamu anujata.





Daag:

Unuimagmau iwainmamau

Jintinkagtin ujamau

Jintinkagtin uchi aidaun anentaimtikawai wajina takasagmayi.

Kumpajijai augmattsagtatui wajina takasagmayi nuna.

Yamai ame dakumkata tita wajina wakejusash takasajiawa.




Three horizontal dashed lines for writing practice, located to the right of the girl's illustration.





**Juti ajajig
tinamja
ajakmauwai**



Daag:

Nugkui augmatbau

Jintinkagtin ujamau

Uchi aidau dukujun jegajuawaje nugkui pachis augmatun antugkatatus.

Dukug ujawai uchi aidaun ajaka ajakenak Nugkui awajun nuwanak susauwai ajakma yuinak batsamsatnume tusa.

Uchi aidau ayamtainum chimpimawag augmatuinawai Nugkui pachis.

Jintinkagtinjai batsamsag augmatus chichainawai Nugkui ajak sukagtusbauwa nunu juti patatish yamaish ajanui tusag.

Jintinkagtin inimui: wajukatnuk ayi nugkuish uchi aidau waitkashmash.

Jintinkagtin uchi aidaun tinamui papii akankamu takastinun nuwigtu inaktawai dakumjamu aidaun pag. 35 nuwiyam diisa takastinme tusa.

Yaa yaimainawa

Makichik dukug muun.


Tuwi takanua

Ayamtainum dukug muunta jeen.


Dakumjamu diisam pataetukam augmattsata nugkuish inash waji ajakna ukugtamkiuwaita. Kumpagmijai ijuntsajun dakumkamua nunuiya atumin shiig awatamu nunu tsupijam anujata.



Three horizontal dashed lines for writing, positioned to the right of the girl's illustration.







Taágkana



Wachitin

Daag:

Tsawan ajakmatai dekamu

Jintinkagtin ujamau

Jintinkagtin uchi aidaun iwaintawai tagkana yagkujig, nuigtu tagkana wachijig.

Uchi iniamu:

- Atumesh tankanash, tagkanjaish wainnukujum.
- Tagkana yagkujish tagkana, tampucha washijish wajukuita.
- Tankana tankanjaish tuke. Yagkujuawash wagka.

Jintinkagtin ujawai uchi aidaun tagkana yamkujakum, tagkan wachijakuin ajak ajakmat nagkamnawai tusa.

Nuwigtush ujanui juke ainatsui tusa.

Tagkana: yagkuji kapantui, jempe bukutnai yagkujin, tuja kakajus jegagmatsui wisutji najamnun ijujatu asamtai.

Uchi aidaun augmatainawai waigkamujia pachis tankanjai, taykanjai, betekush aina nuna.

Tuwi takanua


Ayamtainum ikam wekaegas.

Tagkan: tagkan wachijukushkam diisa ajatmataiyi wachijig esagmai yagkuttakui, bukamkatui.

Wajukuita taagkana yagkuji, nuwigtu tankana wachiji , tsawan ajakmat jegataish nunu dakumkata.



Three horizontal dashed lines for writing.



Daag: _____

Wajiyai ajakmataiyaita nunu dekami

Jintinkagtin ujamau

Aga jiiinag batsamas etsejuinawai diita apajish ajakmatasash wajina takau ainawa.

Jintinkagtin iwaintawai wain, bachitan palanan, chagkinan.

Uchi aidau etsejui takaku atsumtai aidau pachisag wajinma yaijatua nuniak etsejui ditash tunak takajawa.

Dakumkagtuinawai wajuk takatayaita.

Waish nuu esanmakeash aina esanti disam ijumata.

Wajuk ijumainaita.

Aduja takatain tinamui, pag. S4

Yaa yaimainawa
Jintinkagtin.

Tuwi takanua
Ayamtainum

Waji atsumnawa
Wai wej betekmamtin aidau.

Maki, makichik aentsun uwejin anujata wai niine aidau disam.



Three horizontal dashed lines for writing, positioned to the right of the girl's illustration.



Daag:

Wajuk ajamtayaita ajash

Jintinkagtin ujamau

Uchi aidau apaji aja takamunum shimutkag diinawai. Wegashkush muuntan ipawag wajuk aja ajamtayaita nuna dekajuinawai.

Nugka mamikjamunum ajan ajamainawai.

Jintinkagtin uchi aidaun ujawai ditash wajinma yaimkagtatua nuna.

Umutai najanamun uchi aidau ajamainawai.

Ayamtainum wakitkiag augmatuinawai diita yaimkamujin ajaa ajabaunum.

- Iina apajish wajukame, iina dukujish wajukame.
- Atumesh wajukamugme.
- Wajukmainuk wajakmaji uchi aidauti takainakuish.

Jintinkagtin augmatui ipaama takasa pujamun.

Jintinkagtin uchi aidaun iniawai:

- Tikich ipaama takataish atsuak.

Uchi aidau etsejainawai diita batsakamujinish wajuk ipamawajash takauk ainawa nuna.

Yaa yaimainawa

Apag, dukug.

Tuwi takanua

Ayamtai agajin.


Waji atsumnawa

Tsapa, pinig aidau.

Dakumkata wajuk ipamash takasagme, amesh wajinma yaimkamume.



Three horizontal dashed lines for writing practice, positioned to the right of the girl's illustration.



Empty rectangular box for notes.

Empty rectangular box for notes.

Daag:

Ajak ajakmatai ajake etejami

Jintinkagtin ujamau

Uchi aidau itainawai ajak aidaun ajanum
ajatnun.

Ajak aidau dajin adayainawai.

Jintinkagtinjai anenawai muun augmattsamun
ajak pachimja ajamush wajuk kuitamainaita
nuna pachisag.

Ajak itamun diinawai betek niimtinush atsuash
tusag.

Jintinkagtin ijumui uchi aidaun kam kam.

Tinamui ajak itamunmayan pegkejan,
pegkegchaujai pachimag akanjati pegkegan.

Uchi aidau augmatuinawai waji ajak aidaun
etejaje.

Uchi aidau papiin takainawai pag. S4.

Tuwi takanua

Ayamtai agajin.



Waji atsumnawa

Ajak pegkeg aidau etejamu: shaa, duse
pakagbau, tsanim, biik, kegke, idauk.

Anujata ame ajak etejamu.



Three horizontal dashed lines for writing, positioned to the right of the girl's illustration.



Daag:

Ajak ajamush wajuk kuwitamtayaita

Jintinkagtin ujamau

Dukug uchin ijumag ujawai ajak ajamush wajuk anenjutaita nuna.

Dukug ujawai uchi aidaun tikish pegkeg ajakma yuwatasa takatai aidaun.

Uchi aidaun ayamtaijin waketkiag dakumaiwai diita antukmaujin.

Jintinkagtin ayamtainum jegaa uchin ijumag ujawai.

Aja tugkitken ajanui paampa, mejesh, piria aidaun ajakan yumin susati tusa.

Anen dakubau ajak shiig nejekti tusa.

Jintinkagtin papiin tinamui.

Yaa yaimainawa

Dukug.

Tuwi takanua

Ayamtai agaji.

Waji atsumnawa

Aja.

Papii nanegbau jukim anujata dakumkamu diisam dukug ajakan ajakmak pujau.



Three horizontal dashed lines for writing.



A large empty rectangular box with an orange border, intended for writing or drawing.

Daag:

Ajak aidaun ajake ajakmami

Jintinkagtin ujamau

Augmatui diita patayish wajuk ajakmawaki.
Nugka takasbaunum ajaka ajake etejamun
ajakmainawai.

Apag, dukug, uchi aidaun uyunak wekaesan
ujawai dekatkau ajakmatan, tsapakui tsanim
shaa, paampa ajatan.

Ajabaunum muun uchi saas wekaegas waan
tagawai paampa ajatnun, nunitai dukug
nuwauch aidaun saas ajawai dusen.

Jiintinkagtin ayamtainum wakitki uchi aidaun
iniawai:

- Dekatkaush waji dutikamji takastatkuish.
- Apag waa taimush apattsaik taimu
agma.
- Waa taitnunash apajush wajuk
dutikame.

- Makichik waa taimunmash wajupa
ajakna ajawa.
- Wajina dutikawa ajakan ajaash.

Uchi takasbaujin iwainaktatus uwejen takui
umuchiawai.

Yaa yaimainawa

Apag, dukugjai.

Tuwi takanua

Ajaa ajabaunum ajakmaku nuigtu iina
ayamtaijin takaku.

Waji atsumnawa


Ajaka ajake etejamu aidau.


Teente tsegtsakta, nuniakum wajupa ajamji waa taimunmash nuu dakumkata.



Three horizontal dashed lines for writing.



	1 tsawan	2 tsawan	3 tsawan	4 tsawan	5 tsawan
					

	1 tsawan	2 tsawan	3 tsawan	4 tsawan	5 tsawan
					

Daag:

Ajakash wajuk tsapainawa

Jintinkagtin ujamau

Jintinkagtin ajak ajakmamun pachis iniawai:

- Waanum ajamush ajakash wajukeawa.
- Betekak tsapaina ajak ajamush.

Pumputnum agawai jintinkagtin uchi adaibaun.

Jintinkagtin uchin ujawai ajakash wajuk tsapawaki nunu dekami tusa.

Uchi aidaun tinamui biikan etejati tusa ajakmatnun pegkejan.

Biikan ujushjai pempeag uchupig ajawai.

Jintinkagtin uchin tinamui papiin pag. 49 numian nuna dakumainawai ajak ajakmamun diisag.

Jintinkagtin papii takastinun tinamui.

Tuwi takanua

Ajanum, ayamtai agajin.

Waji atsumnawa

Biik, tsapa, yumi.

Ajak ajakmamush tsawan juwakush wajukeawa nunu diisam dakumkata.



Three horizontal dashed lines for writing.



Daag:

Dekami yaa imaa senchish daeknash japiawa nunu

Jintinkagtin ujamau

Iina apaji segami daekan najatjamati ii japiniktinun.

Akanui sup uchi aidaun dutika ujawai yaa eemkash wajawa, tuja yaa ukujinish wajawa nunash mamikia dutika japiktinun suwawai daekan yamai akanjamua nunu japininawai .

Nugkanum tsentsakta akanjamua nutijum japiktajum dutikakjum yaki tsentsakbaun dajajat duka senchigtinchau atatui.

Ayamtainum jegam papii tinamjata dutikam ditash dakumkatnume.

Tinamui papii takastinun.

Tuwi takanua


Ayamtai agajin.

Waji atsumnawa

Daek esajam.

Amijai wasumkamunum wajasu aidau dakumjata, nuniakum augmatsata yaa amina emjuminish antsag ukugminish wajasme nunú.





Daag:

Ajash wajuk ajamtaiyaita

Jintinkagtin ujamau

Uchi aidau weenawai aja ajamaidaun diinak.
Kakajus ijagmainchau ataig ipawai makichik
muuntan aja ajamaun ujatkatit tusa.

Muun ujawai nuniak tawai aja ajamtag takuik
ipama takataiyai. Dekatkauk nugka eganui,
dutika beekmi ipanja apea ajatia tusa.

Ayamtainum wakitkiag etsejuinawai muun
ujakbaun adeajag.

Uchi aidau etsejuinawai ditash apaji aja
ajamtaish wajinma yaimin ainawa nuna.

Ijunag batsamsag egainawai nugka mamikja
ajakmatnun.

Papii takastinjin tinamui.

Yaa yaimainawa
Muun aidau.

Tuwi takanua
Ayamtai agajin.

Ája yamaa apea emamu dakumkata.



Three horizontal dashed lines for writing.



Daag:

Unuimagbau iwainmamau

Jintinkagtin ujamau

Jintinkagtin uchi aidaun anentaimtikawai wajina takasagmayi.

Kumpajijai augmattsagtatui wajina takasagmayi nuna.

Yamai ame dakumkata tita wajina wakejusash takasajiawa.




Three horizontal dashed lines for writing practice, positioned to the right of the girl's illustration.





**Egamka yuta
dekaami**



Daag:

Etsa Ajaimjai augmatbau antukmi

Jintinkagtin ujamau

Jintinkagtin uchi aidajai apachji jeen shimawai Etsa Ajaimjai augmatbaun antuinak.

Ayamtainum kaunawan augmatbau antukmaujin adeajag augmatuinawai.

Jintinkagtin uchi aidaun iniawai:

- Múun apachi waji augmatbaun ujakme.
- Ajaimnash Etsash wajina segauwaita.
- Etsash nagkushpijaish wajinak maui.
- Etsash uumjaish wajinak maui.
- Iiniash wajinak takau ainawa Etsajai betek kuntinun main atasash.

Augmattsamu dakumkagtaku iwainakmi.

Jintinkagtin uchin papiin takatain kenujai tinamui.

Yaa yaimainawa


Apachji.

Tuwi takanua


Apachju jeen.

Etsa Ajaimjai augmatbau pachis dakumjamu awa nunu diisam tuwita dekaskesh nunu jakimtijata.





Blank rectangular box for writing.



Blank rectangular box for writing.



Blank rectangular box for writing.



Blank rectangular box for writing.

Yaki ima kuashtash mauyi kuntinnash

Jintinkagtin ujamau

Jintinkagtin, uchijai, awaksag augmatuinawai Etsash dekatkaush wajiyaik uwettsukesh mautnash unuimajuakita.

Jufík wasugkamku, mamikjá tukut unuimagmi, tusa chichaman umikaje. Papinum kuntin dakumja numiuchinum anujamun ayamtai agajin ajinawai, aents nagkaemashtainum. Numiuchik takatkataik ajigta antiamak waamak iyaumain.

Chichaman uminawai ashi shiig aneasa maanitsuk wasugkamatnun.

Aishmag aidauk úumjai dekapsagtatui nuniai nuwa aidauk tewa yaigjai kuntin dakumjamun tuku ajuawagtatui.

Numiuchinum anujainawai.

Papinum kuntin dakumjamun wasugkamku akakekmaun yajuak ukuinawai. Nunik dekas chicham juni wasugkamami tusa umikmaush betekash uminka nuna diinawai.

Kuntin maamujin ijumainawai nuniak pishak kuntin aidaujai akanag batsawai.

Jintinkagtin iniimui:

- Wajupa maugme maki makichik ijumjamunmash.
- Waji kuntinua makichkish maugme.
- Wajupa wishishish maugme.

Jintinkagtin takatain tinamui dakumjamu diisag ejeti tusa pag. T1

Waji atsumnawa

Aishmagkuk maki makichik shashapin takakainawai, nuwauchik maki makichik tewa takakainawai.

Uchi papinum kuntin chigkijai dakumja tsupigmau.

Tatag aidau diista nuniakum uchish kuntinnash wajupa maawaje nunu anujata, nuniakum kumpajum ujakta uchish maki makichkish wajupa maawaje.



Kuntinush tuwi batsatua



tuwi batsatua

wajina yuuwaita

Daag:

Kuntinush tuwig batsatua

Jintinkagtin ujamau

Jintinkagtin yugkipak, kawau, shushui, dakumjamun aidaun iwaintawai.

Uchi augmatuinawai nuniai jintinkagtin uchin iniawai:

- Jusha kuntin, pishak aidaush tuwig batsatua.
- Wainnak anmaujum.
- Wajinak yuwawa.

Uchi aimau jintinkagtin agawai.

Uchi aidau aentsun mamikinawai tuwig kuntinush batsatua, wajinak yuwaita nunu iniimsatnun.

Papii takatain juwinawai aimau agagtatus.

Ayamtainum waketug kaunawag aimau agaja jukimun kumpaji aidajai ujaninawai.

Yaa muunnak kuntinun pachisash iniasagme

nuna kumpag. ujainawai.

Dekatkau agaja ukukmaun apatuk diinawai iniimas dekamujjai.

Iniimas dekaenawai kashai, yantana, shushupe, tsukagka pabau aidaush tuwig batsatua.

Jeen iniimsa dekamujin kumpajjai ujaninawai.

Yaa yaimainawa



Muun aidau uchi inimaun aimainawai.

Tuwi takanua

Ayamtainum muunta jeeniskam.

Agkagtunum dakumkata kuntin maki makichik adaijamush tuwi pujuwaita nuniakum wajina yuu ainawa.





Wajiyai Kuntinush mautaiyainta nunu dekaami

Jintinkagtin ujamau

Jintinkagtin uchijai muunta jeen weenawai wajuk kuntinush mautaiyainta nuna dekatasag.

Muun uchi aidaun ujawai yajag ema chigki mautan nuwigtu chinamujaish waji kuntinua mautaiyainta nuna.

Muun uchin chichajak yajag emakjik shimpankaig tusa etsegtsuk wetaiya tawai.

Ayamtainum kaunawag muun kuntin dakamtika mautain adaijamun adeajag adayainawai nuwigtush waji kuntinuk nunujaish mautaiyainta.

Jintinkagtin papii muun wegkagmanum kuntin dakamtika mautai dakumjamun iwaintawai.

Uchi aidaun iniawai dakamtika kuntin mautai aidaush tukita, jintinkagtin uchi adaimaun papinum agawai.

Sup uchi juniikaje takastinun uminainak.

Maki makichik juunikaja nunu mamikiawaje waji yajagna dakumkagtatua.

Dakamtika kuntin mautain dakumak nuwigtu dakumui waji kuntinua mautaita nuna.

Jintinkagtin uchi papii takatain nuwigtu dakumjamu aidaun pag. T3 nuwiyam tinamui.

Yaa yaimainawa

Muun.

Tuwi takanua

Muunta jeen.

Waji atsumnawa

Papii wegkagmanum dakamtika kuntin chigki aidau mautai dakumjamu.

Muuntash wajiyai dakamtika ukukiu asaya kuntin nii wakegamunash maumainaita nunu anujata.



Tsawai



Kashi



Daag:

Kuntin tsawaish kashish yujau aidau

Jintinkagtin ujamau

Jintinkagtin uchijai weenawai muunta jeen.

Uchi aidau muun kuntin tsawai kashi yujau aidau etsegmaun antuinawai.

Papii augtaijin kaunawag unuimanmaujin augmatuinawai.

Jintinkagtin uchin kuntin dakumja tsupigmaun kashi tsawai yujau aidaun yujagken yuwinak, yumi umuinak iwaintawai.

Jintinkagtin iniimui: tsawaish waji takaugme, kashish waji takaugme.

Uchi aidau apajjai tsawai kashish wajinak takau ainawa nuna augmatuinawai.

Jintinkagtin kashi tsawaijai kuntin yujagken yuwinak nuwigtu yumin umuinak yujau aidaun augmatui nuniak aents kashi tsawaijaish wajina takau ainawa nujai apatuk diinawai.

Waji kuntinuk kashi tsawai aajash yujaush ainawa.

Uchi apaji dukujjaish tsawai kashish wajinak takau ainawa nuna augmatuinawai.

Jintinkagtin uchin papii takatai tinamui.

Yaa yaimainawa

Muun.

Tuwi takanua

Muunta jeen.


Waji atsumnawa

Kuntin dakamkamu tsawai kashi yujau aidau.

Kashish, tsawaish wajuknume nunu dakumkata.




1. Jempenash apajish wajina jintintuauwaita



2. Jempesh ikam egamak wegakush wajupa kuntinnak maumainkaita



3. Jempe ikam jegatai kuntin pisau dakumkata.



Daag:

Kuntin megkaegag wegamu augmatbau antukmi

Jintinkagtin ujamau

Jintinkagtin uchijai augmatbaun aujui.

Uchi segamiagtai patak aujui.

Jempe kuntin maamu

Duik muun uchiji Jempe daantinun apujus pujuya tuwajame. Pegkeg pujut aidaun jintintak, nuwintush jintitu kuntin aidau maa yutan. Dekatkauk jintintuaya tuwajame uumjai tuku kuntin mautan, tsakaja wetai jintintuau yajag ema chigki nugka yujau mautan nuwi pujus unuimajui akajujai mautan. Apaji jintintuawai ima makichik kuintinuk maa wakettaiya dukuji kajegtukaika tusa, nuniaku Kuntinu uchijish maushtaya kuntin yujakti tusa.

Jempe unuimajui kuntin mautan, kajimatkiuwai apaji kuntin imatika maushtaiya timaunak, nuniak wakejukui aan kuwashat maatatus. Nuniau asa kuintinun tsawantai kajeu, ima imatikam jegaya tuwajame kuntin amuegat.

Nunik pujus anentaimak tiu “pegkejai kuntin maamuk tujash kashi kashinig maa yumaitsui kuntin amuekai tau asa nuwigtush akajujaig maumaitsui kuntin atushat shimawai”.

Yamaik ikam wekaeku wegamash wainnatsui bachig, yugkipak, pabau, chigki weantuk. Juju kuntin aidauk amuekaje, Kuwitamkami kuntin aidau tusa Jempe indaisauwai kutin mautan, nuniak nagkamauwai atash, patu tagkuma yutan.

Jintinkagtin iniimui:

- Jempenash yaki kuntin mautnash jintintuayawa.
- Jempesh kuintinnash wajjiyaik maayi.
- Jempesh kuntin mautnash wagkag idaisabi.
- Wagka kuintinush shiig atushtash shimawa.

Jintinkagtin uchin papii takatain tinamui.

Tuwi takanua

Ayamtai

Waji atsumnawa

Kuntin yamai amuegak mina nunu aidau dakumjamu.

Jintinkagtin auja nunu antukam aimkata. Nunikam dakumkata.





Papi muunnum kuntin kajegchami tusa najankami

Jintinkagtin ujamau

Jintinkagtin uchijai Jempe augmattsamun awaksag augmatuinawai.

Jintinkagtin kuntin dakumjamu ikam wekaekujish kakajus wainchatain iwainawai.

Uchi aidau kuntu daajin adayak augmatuimawai tuwig wainkaush ainawa aniaashkush yaa augmatmaunak antukajuita.

Wajukmainkita ikamia kuntin egamka maa yuu pujamash nuna pachis augmatuinawai.

Yaunchuk muuntash wajuk ikamia kuntin aidaunash kuwitama ajakuita, ajabi nuna augmatuinawai.

Jempesh wajina takakug atsumkas yumainjish ajawa, ikam kuntinun egaka yuwatsua duwish, nuna pachis augmatuinawai.

Jintinkagtin iniimui:

- Batsatkamunmaya aidaush dekainawak kuntin amuegak minidaunash.
- Wajukeakjia batsatkamunmayash kuntin

amuegak mininadusha ujamainita.

- Waji tumainkita

Uminainawai afiche takasa iwainaktinun.

Jintinkagtin uchin papiin takatain pag. 71, T I tinamui.

Ijunainawai tsanitaijjai dakumkamun etegken adukatnun diinak.

Tuwi takanua


Ayamtai.

Waji atsumnawa

Kuntin amuegak mindau dakumjamu.

Dakumkamu etegjata nuniakum chicham agagta kuntin maashmi tusam.





Daag:

Jintaá ainjá kuntin ejemau wasugkamami

Jintinkagtin ujamau

Jintinkagtin wajuk wasugkamawagtatua nuna uchin ujawai, nuniak tawai: amain kuntin shiig kuwashat ayau tuinawai. Dusha, wajuk katigjia kuntinush jumainaitji.

Jintinkagtin batsawai kayan, duka, numi aidaun katigtakama utujimkati tusa.

Jii epeka wasugkamainawai kuntin batsatmaunum jegatatus.

Kumpaji aidaun eem weta, ukunum waketkita aatus ujainawai.

Wasugkama nagkanainak augmatuinawai jii epeka wasugkamaunash shiig aneasajash wasugkamawaja nuwigtush kumpaji wajuk wetatua tusa ujakmaunash shijash ujaniika.

Waji atsumnawa

Chigki kuntin aidaun wakani.

Jinta ainja wegakum uchi ikamyawan niimen nugkuja pujamunum jegata.



Three horizontal dashed lines for writing.



Tuyas



ikam



tantau tujash wakitkiu.



ikam



tantau tujash wakitkiu.



kuntinun mautsuk wakitkui.

Kuntin aidaun kuitamu asa.

Ejesmamu unuimagmi

Jintinkagtin ujamau

Jintinkagtin ejesmatai papii muun wegkagmanum agagbaunum uchin iwaintawai.

Jintinkagtin yaigkam uchi agagbaun aujui.

Jintinkagtin ejesmawai uchi antuinawai.

Inimui:

- Ejesmataish wajina tawa.
- Kuntinush wajukenawai tawa.
- Jintinkagtin ejesmawai uchi aidau antukag ejesmainawai.

Uchi aidau yapinum atektumatai jukiag papii takatai pag. K2.

Nunuiyan ejesmamun diisag dakumkagtuinawai.

Tuwi takanua

Ayamtainum.

Waji atsumnawa


Ejesmatainum dakumjamu.

Jintinkagtinjai ejesmatai ausata.



Three horizontal dashed lines for writing, positioned to the right of the illustration.







Daag:

Kuntin chigkijai amuegak wegaamu

Jintinkagtin ujamau

Jintinkagtin tikish nugkanmashkam kuntinuk menkaegak minawai tusa uchin ujawai. Aents aidauk kuntuu uchiji mantamunum nuwigitush diita batsamtaiji emestuk emamunum nuniawai tusa augmatui.

Papii takatai pag. 77, 79 uchin tinamui kuntin dakumjamun takatai pag. D1 awi tsupig anujati tusa.

Amukag ukuinak jintinkagtinjai aujus jeen juinawai.

**Jintinkagtin amaa nunuiya kuntin dakumjamu tsupigta.
Nuniakum kuntuu daaji ausa nunui anujata.**





Daag:

Unuimagbau iwainmamau

Jintinkagtin ujamau

Jintinkagtin uchi aidaun anentaimtikawai wajina takasagmayi.

Kumpajijai augmattsagtatui wajina takasagmayi nuna.

Yamai ame dakumkata tita wajina wakejusash takasajiawa.




Three horizontal dashed lines for writing practice, located to the right of the girl's illustration.





**Juti nugken
takatai dekaami**



Daag:

Dekaami duwejai awantua takatai

Jintinkagtin ujamau

Jintinkagtin uchi aishmag, nuwauch aidaun iwaintawai pinig, buwits jaanchi dukukmaun.

Jintinkagtin uchi aidaun iniawai: jusha wajimpaya.

Uchi aidau ayatak achika diisa anentaimas ejewai.

Dukukbaun ujak pujusag chichainawai.

Dukuju jeen wegag antuinawai ichinak, pinig, buwits takat aidaush wajuk najanamuita nuna pachisag.

Dukug iwainawai maki makichik nuniak agawai daajin.

Ayamtainum pujusag adayainawai waji aidauna dukujush iwainakme, agatkamujin diisag etsejuinawai. Wajinma takataiyaita.

Jintinkagtin inimui:

- Amina dukuch wajina takauwe.

Tinamui papii takatain pag. T2, 85.

Yaa yaimainawa

Dukuch.

Tuwi takanua

Dukuchi jeen.


Waji atsumaji

Makichik pinig, buwits.

Betekmamtin aidau diisam dakumkamun anujata.



Three horizontal dashed lines for writing.



Daag:

Najanami iina takataiji aidau

Jintinkagtin ujamau

Dukuju jeen wenawai ujakati tusa iina takatai aidash wajuk najantayaita, nuwigtu waji atsumtayaita najanatagtakuish, junash yaa najannaita, wajuk takatayaita pegkeg jinkiti takuish.

Ayamtainum jegawag uchi nuwauch, aishmagkush aidau batsamas etsejuinawai dukug ujakbaun.

Jintinkagtin inimui:

- Iina takataiji aidaunash yaa najanua.
- Wajijai najantayaita, duwesh wajijaiya pachimtayaita.
- Ju najanatagkuish waji atsumaji.
- Wagka etsanmash jitayaita. Etsanu jiyashmash wajukmainaita.

- Waji ukatnawa pegkeg winchantukti tusaish.
- Wajiyai aganua.

Jintinkagtin uchin papii takatai tinamui dakumjamu diisag ejeti tusa pag. T3.

Yaa yaimainawa

Dukuch.

Tuwi takanua

Dukuchi jeen.

Dakumjamu diisam ejeta wajuk pinigkash najantayaita, dutikam teente tsegtsakbauwa nunui anujata.



Three horizontal dashed lines for writing, positioned to the right of the girl's illustration.

Añentaimsa adaiyat



●

Daag:

Anentaimsa adaiyat jiikmi

Jintinkagtin ujamau

Jintinkagtin ujawai uchi aidaun anentaimsa adaitan:

Shuwiknush wajaknaitjai.
Tujash yumi yajawag mama
inagkag yujin ainawai.

Wisha Yaitja.

Jintinkagtin anentaimsa adaitan jiiktatus anentaimui uchi aidau diita jeen pujusag inimsatnume tusag.

Waji daajig ujamait sui ayatak wajuk jiiytayaita duke tunawai.

Pinig dakumkamun iwainawai nunik niimen etsejui.

Jintinkagtin uchi aidaujai anentaimainawai ditash wajuk jikiagtatua.

Pumpunmamunum jintinkagtin agawai uchi aidau adaitai.

Agagbaujin awagsag aujui uchi aidau adaitugbaun.

Uchi aidau akanag ijumui.

Iwainawai papii tsupigbau dakumkamu iina takataiji najagkamun nunuiyan etegkeg juki anentaimsa adaitan najanui.

Tikich aidau papii takusag batsatui.

Anentaimsa adaitan najanainawai.



Waji atsumaji

Papii tsupigbau, vaso, jarra najanamu, buwits, pinig.

Kumpajum aidaujai ame anentaimsa najanamujum agagta. Dutikam wajina tawa nunú ejeyim dakumkata.



Three horizontal dashed lines for writing.



Daag:

Shawinmaya takataiji ainau najankamuji dekami

Jintinkagtin ujamau

Jintinkagtin tinamui dakumjamun pag. 91 awa nuwian.

- Pachimka batsatain uchi iwainak takainawai, niimen diisag.
- Dakumkamun iwainawai, jutinu najana takatai aidaun.

Jintinkagtin iniimui:

- Jusha juti takataijjaish betekaik.
- Wajukujiya betekaita.
- Wajiya betekchauwaita.

Papii muunnum agagta uchi adaimau.

Jintinkagtin, uchi ijumag ujawai, shawinmaya aents aidauk duwejai najambaunak kayana tinu ainawai tusa.

Shawinmaya aents aidauk jutijai betekai, nuniatak ditash batsamin ainawai, peru nugkenig.

Kayanash muuntash awak.

Awai Kayana apuush antsak yaigchish.

Kayana muunumak, kuntu neje ashi yuwatnun ukuinawai, untsuk yaigchinmak, makishkiti yutain juug ainawai.

Waji atsumaji.

Kayan tutai pinig.

Pachimja batsakam anujata, dutikam dakumjamu diisam augmattsata.



Three horizontal dashed lines for writing.

Nuwauch Ana kajamjamu

Anag mijanji ajawai yuk. Senchi wakenai papin ausatatus, tujash dakitin pinig, ichinak aidau najantan.

Anag dukuji shiig najannai pinig aidaun, nina jeen takastinun. Najanak pujus Anag tukee untsuawai, wajuk takasa najankuiya pegkenchish jii-mainaita nuna antuk unuimagti tusa.

Tujash nuu tamash puyatjus antachu nuniak uwejijai ima senchi wasugkamu, nuniak dukujin tawai, wagka tikish aidaush najanainatsua, ayatak *plastico* najankamuwai egkeg yuinawai, au ima pegkejai wamak dijaja uminka tewa wasugmainai tau.

Tutai apaji tawai, antukmajai *radio* num, *plastico*, *botella* ainau takamait sui senchi nugkan ebeseawai tamaun. Tutai Ana chichak, chaa ibau muun ina ikaamji awa nunash wajuk ebesatki tau. Tutai dukuchji antuk, diik Anag au jimagma muun waja nuna ukuwen weme diisia wajukukita tau.

Tima anashakam jegan diikma cha tsuwat wainka iikmakmaun wainkau, nuwig wajaig tikish pataa tsuwat peegchaun juki minaun wainkau, tuja numiauchik tuke jamamtin wee wajau nuu iman yantamen utuatkam, ashi wainak taa kanak, kashi kajamu.

Niina pujutaijig ayatak tsumain peegchau *botella*, *plastico* wegantu tepetag wegajun, shiig aneasaikesh yumainchau, paan etsash bushapau, imanun kajamag ishamak shintaju, nuu ishamkamuk dukujin jegajua, dukawa dekas jintinjuata pinigkush najanat imanun kajamjan ishamkajai tiuwai.



Nuwauch Ana kajamjamu



Ana kanag shintajash dukujinash wajintua nunú agagta.



A large purple speech bubble containing three horizontal dashed blue lines for writing.

Ana yamaish wajina takawa nunu dakumkata.

A large empty purple rectangular box for writing.

Daag:

Nuwauch Ana kajamjamu

Jintinkagtin ujamau

Jintinkagtin tinamui papii takatain pag. 95
augmatbaun jiktinme tusa.

Jintinkagtin uchi aidaun ujawai, dekatkauk
wiya ausatjai tusa.

Aujui chicham muun agakmaun nunik iniimui:

- Dekajumek wajina pachisa augmatua.

Pumputmamunum agawai uchi adaimaun.

Diipas agag emawai shiig antuktinme tusag.

Nagkanmaunum ausata pumputnum agagbau.

Uchi nuwauch, aishmagkuch etsejuinawai
augmatbaun.

Aintsag takastinun suwawai iniimau ausati
tusa.

Inimau ausam umikta



Three horizontal dashed lines for writing.



1 tsawan	2 tsawan	3 tsawan	4 tsawan	5 tsawan



1 tsawan	2 tsawan	3 tsawan	4 tsawan	5 tsawan

Daag:

Itugmainaita wajii ibau *plástico* aidaujaish

Jintinkagtin ujamau

Jintinkagtin ayamtainum ejewai juna yajuak: *plástico*, *jiju*, *espejo*, *botella*, kuchag aidau.

Jintinkagtin iniimui:

- Jusha wajimpaita.
- Atumin jeenish junin nimtinush achauka.

Agagta tesamunum uchi adaimau nunikam akanjata tu ainawa *plástico* tuja jiju najanamu aidau.

Uchi wakegainakug dakumain ainawai yantamchijin, jintinkagtin agagmaunum.

Jintinkagtin iniimui:

- Wajukmainkita *botella*, *plástico* wegantu nugka tai yutua dukap tsawan ukukmash.

- Wajukmainkita mama, paampa saepen nugka tain yutua dukap tsawan ukukmash.

Papii muunnum agagta uchi adayainamu.

Agaa jinkiag batsamash diinawai juju takat takamash wajukeya nuniak jim waa najanawag batsainawai diita takasbaujin.

Takatainum pag. 97 awa nuna diinawai.

Tseg tsawan wegakum uchi iniasta: tuwaa minaje.

Takasag ejegainawai dekas butiya, parastiku wegantu waamak mamuachun, untsu mama pampa saepeng waamak mamuaun.

Waji atsumaji

Plástico tsaikbau, tsaikmau, butiya, kuchag.

Dakumkata ájaka (mama, paampa) saepesh, wajuk yapajinae waanum yumijai egkeamash.

Antsag dakumkata botella, wajuk yapajinae waanum yumijai egkeamash.





Daag:

Iina takataijai najankamu agattaiji

Jintinkagtin ujamau

Jintinkagtin iwainawai pinig najana agatkamun.

Jintinkagtin uchi aidaun iniawai:

- Juu agatkamua aanush tikishnumash wainkamugmesh ajutjamainatsuak.
- Wajiyai agattayaita.
- Iina apajish waji tsawan jegamunma usumame.

Uchi aimiagtai jikatus antawai.

Muunta jeen weenawai jintinjuati tusag.
Wagkag nuwash tuja aishmagkush yapinish usumaash wajakuita.

Ayamtainum wakitkiag uchi aidaun iniawai:

- Wajuku asantaiya yakamaush ainawa.
- Tuu iyashnuma yakamau ainawa.
- Tujash wajuk yapinish agamau ainawa.
- Aishmagkush yapinish wajuk usumawajakuita.
- Ipakush wajiyai pachimnawa usumagtashaish.

Jintinkantin takatain suwawai pág. 99.




Waji atsumaji

Jampu, ipak, suwa.

Dakumkamu usumtijam, wágka usumin aajama nunú ugmattsata.



Three horizontal dashed lines for writing.



Duwe najanamu jakimtikat

Jintinkagtin ujamau

Inia takataijai najanamun agatkamun iwainawai nuniak iniimui:

- Wajiyai jakimtiktayaita najanamush.
- Ipakush wajiyai pachimtayaita.

Agagta uchi adayainamu.

Awaksag diinawai adaikamujin.

Yajumui papii takatain tinamkamun pág. 101.

Waji atsumaji

Duwe, yukuku.

Wajukeawa yumi ipakjai pachimkamash. Wajukeawa daum ipakjai pachimkamash. Wajukeawa puwag ipakjai pachimkamash, nunú iwainakta.



Three horizontal dashed lines for writing practice.



Daag:

Unuimagbau iwainmamau

Jintinkagtin ujamau

Jintinkagtin uchi aidaun anentaimtikawai wajina takasagmayi.

Kumpajijai augmattsagtatui wajina takasagmayi nuna.

Yamai ame dakumkata tita wajina wakejusash takasajiawa.



Three horizontal dashed lines for writing practice, positioned to the right of the girl's illustration.





Ajakma juut
unuimagmi



Nuis

Duse augmatbau



Yunuik



Yaunchkek nuwa Yunuik daagtin dusegtin ajaku tuwajame, iman asa tikich nuwa aidaunak aja yuchau tusa dushiki wajaku.

Yunuik makichik tsawantai duse tegai ikaunma agajin anak pujuju. Imatika pujai yumishkam yutug midau nunitai Yunuikchakam jiintuki juwaak wekaetau. Nuwaush Nuis daagtin igkuas tseken tajua dusen ajapaa yuwatatus segau tuwajame, tujash Yunuik sujitkau.



Dutikam wajasa niimkama wainkau makichik duse iyaag tepaun,
Nuischakam wainmauwaik nawen kajut najai wajasu imachik asa
dusegtin jeen wayamun wainak tsajam nawen kaet etea juwakug
pijajin chaat egkea pempenkug jeen wakitkiu tuwajame.



Jeen jega agauchijinig nugka tautus duse ajaya tuwajame.
Nunu tujuagmatai juki ekek ajau, nunashkam aikasag kuitamas
tujuagmatai juki ekek ajau, duwi tujuagmatai aja ajaji ukuaya
tuwajame.

Duwi pujus Nuis duse tujuajun tegaak nuwa aidaun ipaa tegau
tuwajame. Nuniak atumesh jukijum ajamjum ukuajum yuwatajum
tusa tinamkau. Duwi nagkamas duse aja yutanak uyugkaju tuwajame.

Duse augmatbau

Jintinkagtin ujamau

Jintinkagtin uchin papii takatain tinamui nuniak iniimui:

- Wajina pachisag augmatua.
- Augmatmaunmash waji nagkaemaunak ujakpakti.

Jintinkagtin augmatbaun aentsji aidaun, agagbaun daajijai aujui.

Uchijai augmatbaun aujui.

Jintinkagtin iniimui:

- Nantush tuwig wegaabi, wagkapa.
- Nantush wajinak anentaimi duse tegak wekaesash

- Nantush utugkamkiyi duse nijak pujusash.
- Nantu sukagtusua ankagmesh Atumesh duse ajutjamkuish sukagtumainkaitjum. Wagka.
- Amesh ajamdainukum yatsumjaish, kumpagmejaish, waji ajamdainume, ame batsatkamunmash wajina ajamdaiyin aagme, ajamdaiyashkuish wajuk batsamainaita.

Jintinkagtin uchijai chichawai ajamdaitan pachis nuwintush ii dekamun tikish uchi aidau jintiamun.

Uchi aidau chichainawai wajinak ajamaush ainawa ayamtainmash nuwigtush batsatkamunmash.

Jintinkagtinjai duse augmattsabau ausata.



Three horizontal dashed lines for writing, positioned to the right of the girl's illustration.



Daag:

Yutai ajamasa yuwaami

Jintinkagtin ujamau

Jintinkagtin uchi aidaun iniawai. Apash waji takatna takauwe.

Uchi aidaun diita patayish nuwigtu tikish aents aidaush wajinak takau ainawa nuna augmatuinawai.

Jintinkagtin iniimui:

- Dukuch ajakmamu juuka yuwakush ajamauka.
- Aents aidaun ajamdaitasuk batsatmaunmash wajukmainkita.
- Aenst aidaun ajamjamainashkuish wajuk anentaimainaitme.

Uchi diita anentaimaun chichainawai.

Jintinkagtin uchin ujawai tikich aentsjai ajamdaita nuna pegkejin nuwigtu ayamtainum uchi wajuk ajamdaimain ainawa nuna pachis.



Uchi aidaun kumpajijai yutai itamujin ajamdaiyas yuwinawai.

Jintinkagtin uchin papii takatain tinamui.

Kumpajum ajampeamu dakumamkata.



Three horizontal dashed lines for writing.



Yutai pegkeg aidau

Jintinkagtin ujamau

Jintinkagtin iniimui:

- Yaunchkesh uchi aidaush ajakma juukmaunash ashi yuwash ajabia.
- Wagka yaunchkesh uchi aidaush pagat kegkejaish imatikash yuchaush ajakuita.
- Wagkan junash yuchaush ajabi nuna uchin ujawai.

Jintinkagtin uchin ujawai. Jinta minikman uchi apach yumintsak najagkamun shiig kuwashat bukunaidaun wainkamjai.

Jintinkagtin iniimui:

- Atumesh yumintsak aidaush yuuk agmujum. Iina iyashinish yaijatuash.
- Wajukmainkita ayatak yumintsak aidauk yuwamash.
- Tikich yutai aidaush tu yuwaji.

Jintinkagtin uchin ujawai yutai pegkeg aidau yutan, nuwigtu wajukmainaita yumintsak senchi yuwamash nuna.

Jintinkagtin uchin ujawai batsatkamunum yutai pegkeg ayaun, yuwam iyashnum yaijatu pegkeg jamamtuchu pujutan nuniau asamtai juju: kegke, kukuch, pina, setach, mejech, pituuk aidau yumainitji.

Jintinkagtin iniimui:

- Wajukmainaita yutai pegkeg aidau yuwashkuish.

Uchi aidau yumintsak yutaijin adaiyainawai nuniak maakchau iyashnum etamna nuna augmatuinawai.

Jintinkagtin uchin papii takatain tinamui.

Dakumjamu diisam wajukmainaita yutai pegken aidau yuwakjish nunú jakimtijata.
Antsamek wajukmainita yutai pegchau aidau yuwakjish dushakam jakintijata.





Daag:

Dupa kagakujai wasugkamami

Jintinkagtin ujamau

Jintinkagtin uchijai dupa kagaku aidaun ijumag batsawai.

Jintinkagtin iniimui:

- Wajuk jegamainaita, dupa kagaku inagnaku ijumjamunmash.

Uchi aidau wajuk jegamainaita nunu anentaimaun chichainawai nuniak wasugkamainawai.

Wej uchi juunikag tutupit pekaamak wajainawai.

Dupa kagaku ijumjamun ditak anentaimas nagkaegainawai.

Batsasta dupa aan kuwashat uchi segapainakuig.

Uchi aidau aneenawai yana ukujinik wajasagme.

Jintinkagtin papii takatain jakiitjai uchin tinamui.

Wasugkama nagkankamunum jintinkagtin iniimui: dupa kagaku ijumjamu tseke nagkaeku wasugkamaush shiijak awatamka. Nagkanmaunum jegantatamaush utugchatkaik.

Tuwi takanua
Ayamtai agajin.

Waji atsumnawa
Dupa kagaku.

Kumpagmesh wajuk wajasagme nunú dakumkata, nuniakum tuwí wajasagme kumpajum aidaush nunú augmattsata.





Blank rectangular box for drawing or writing.

1


Blank rectangular box for drawing or writing.

2

Blank rectangular box for drawing or writing.

4

3



Daag: _____

Dakumjamu diisa augmatbau anentaimsa jiikmi

Jintinkagtin ujamau

Jintinkagtin iwaintawai dakumjamun pág. 119.

Nuna diisam uchi aidau, augmatuinawai.

Uchi aidau augmatbaun, jintinkagtin papii muunum agawai.

Ashi augmatus nagkamkamtai, ataktu diinawai, agambaun.

Dakumjamun jukian augmatbaun adeajan tuwi anumainaita nuna diisan batsainawai pág. 117.

Uchi aidau augmatuinawai dakumjamun, nunik makichik etegkeawai nii aumattsatnun

Tuwi takanua

Ayamtai.

Waji atsumnawa

Dakumjamu aidau, ajatin.

Dakumjamu diisam, augmatbau agagta.



Three horizontal dashed lines for writing.



Daag:

Jigkai ajake nuwigtu yuwatnush tuwi ukuji

Jintinkagtin ujamau

Jintinkagtin yutai pegkeg juukmaun antsag besekunashkam inakmawai.

Pegkeg yutai juukmau aidau nuwigtu yutai besekujaish utugtaita nuna pachis uchijai augmatui.

Jintinkagtin jigkai aidau jega ukutan uchin ujawai.

Wajukmainaita shaa ajake jii bukuitamunum ukukchamash. Duse jega ukukmau ashi yuwa amukmash wajukmainaita.

Uchi aidau aimainawai.


Jintinkagtin jigkai pegkeg aidau eteeja shiig ukuki pataka ajatan Nuis wajukauwaita nuna pachis uchijai augmatui.

Jintinkagtin papii takatain pag. S3 auchin tinamui.

Yutai aidau dakumjamua nunú tuwí yuwatnush ukutaita nunui anujata.



Three horizontal dashed lines for writing.



A large empty rectangular box with a yellow border, intended for writing or drawing.

Daag:

Bichak najanami

Jintinkagtin ujamau

Jintinkagtin uchin bichak mamajai
ajampeawai.

Uchi aidau emtin bichakan umiawai dutika
ajamawai.

Uchi aidaun iniawai:

- Wajuk bichakash najantaiyaita.
- Dekatkaush waji takanua.
- Duse udu, najuku, nuwikmaujaig bichak najantayait.

Uchi aidau anentaimaujin chichainawai nunitai
jintinkagtin papi wegkagmanum agawai.

Jintinkagtin bichak najanataisaish waji
atsumtayaita nunu aidaun iwainawai.

Uminainawai yajaig juunikash takasagti
nuniak juunik pekajun waji takastin aidaun
aimkagmaun diis tinamui.

Diinawai wajukae duse udu, najuku,
nuewikmau aidau dekegmash.

Bichaknak dukajai ijiawag ukuinawai.

Kashikmas kaunawag bichak ijia ukukmaun
jukiag yuwinawai.

Uchi aidau jimag bichak najanamun yumin
dakitua pachimag diinawai wajuku wajase
nuna.

Jintinkagtin iniimui:

- Tuu bichak wi ajamasmag nujaish
betekaita.

Juunika takasmaujjai ijunag chichasag
etsejuinawai pegkennash najanawaja nuniak
tuinawai bichakak najantaiyai duse najukujai.

Jintinkagtin papii takatain uchin tinamui.

Waji atsumnawa


Duse udu, duse nuwikmau, duse inagkamu,
numi dekegtin, daek, duka, kaya, tatag.

Dakumkata wajuk bichak najanamume nunu.



Three horizontal dashed lines for writing.



	
---	--

	
--	--

	
---	--

	
--	--

Daag:

Ajakmamu juuka sujaji tusa wasugkamami

Jintinkagtin ujamau

Jintinkagtin uchijai augmatui yaa dukug aidauk ajakmamu juukash yaakat sujakush weenawa.

Yabai wasugkamattaji ajakmamu juuka sujamu tusa uchin ujawai.

Yutai ajakmamu sujaku patagtinum etegkeg uminawai.

Yutai jeenian itawaje: paampa, mama, tsabau, kekke aatus.

Uchi aidau yutai sujuktinu daajin akikejai papi tsupigmaunum agatuinawai. Jintinkagtin yutai akike wej nagkaekau ainum tusa diyawai.

Wasugkamak yapag.ainawai. Uchi aishmag nuwauchijai yutai sujin, tikich aidau yutai sumau aidau.

Sumau aidaun wej kuwichik kaya aina nuna nunuiyan tinamui.

Jintinkagtin uchin yayawai shiig kuwishkin dakapag jukiti tusa.




Sumak nagkanainak wajina sumakaje kuwishkish betekash ejeniaja atsa ampinjaegash nuna augmatuinawai. Kuwashat tsawan wasugkama pujuinawai tikich wajin ikaunmawag.

Papii takatain uchin tinamui.

Kuichik dakumkamu diisam waji sumamainaitme nunu anujata.



Three horizontal dashed lines for writing, positioned to the right of the girl's illustration.



Ajak juwaamu wasugkamami

Jintinkagtin ujamau

Jintinkagtin uchijai chichawai wajuk ajakmamu aidaush jutainta nuna pachis

Uchi ajakmamu juwaaku wekaesamujin augmatuinawai.

Jintinkagtin uchin iniawai: wajuk yajashnish ajakmamu aidaush juumainaita.

Uchi aidau diita etegkenawai wajuk ajakmamu juumain ainawa nuna anentaimas wasugkamatatus.

Uchijai papii tsupija ajakma yutai aidau dakumjamun nugka batsawai.

Jima jimag achinikag wej ajakma yutai aidau juwaawai.

Wasugkama nagkanainak papii muun wegakmanum anujui jukmaujin. Kumpaji aidau ujawai wajupa ajakma yutaina betekmamtin aidounash juukaje.

Uchi aidau tuu nawejai yutai papinum tsupija dakumjamunash juuke nuna etsejui. Nuwigtush utugchatash dakapsama nunashkam etsejui.

Uchi wasugkamami tusa segamtaik patasag wasugkamainai.


Uchi yutai juukmau diisam makichik tentee jakimtijata.




Three horizontal dashed lines for writing practice.



Kukuch



Mama



Kegke

Chicham nagkanmauji betek aidau egakmi

Jintinkagtin ujamau

Jintinkagtin takatai dakumjamum uchin papii tinamui, nuniak tawai shiig esettsam diista, nunikam dakumkamunmash waji wainme daaji adaikata.

Uchi yujagke daaji adaiyainak ejegainawai dekatkau adaimaun. Nunik tikish yujag, kuntin, namak, aents ainau daaji adaiyam nuu betek nagkamnaun ejegainawai.

Tuwi takanua

Ayamtainum.



Waji atsumnawa

Papii tsupija dakumjamu daaji adayam, betek chicham nagkanaidau aidau.

Ejeta chicham betek nagkanu aidau nuniakum agagta.



Three horizontal dashed lines for writing.



Daag:

Japa nawe najanami

Jintinkagtin ujamau

Jintinkagtin uchin inaktawai tsanimpa duken kagkajin kagakun nuniak iniiawai jujaish waji najanmainaita.

Wajupa tsanimpa kagkajin duke takamainaita.

Uchi tsanimpa duke numijin dakapag akanak batsawai.

Wajupa muunta japa nawesh najanattaji.

Jintinkagtin sup japa nawe tsanimpa duke kagkajin najanamun inakmawai.

Uchi aidau etegkenawai wajupan najanattawa nuna.

Najana emainak tsanimpa duke wawaken dakapag batsak emainawai.

Uchi aidau tsanimpa duke wawaken tsen dakapag najanui japa nawen.

Jintinkagtin uchin papii takatai tinamui kenujai.

Tuwi takanua

Ayamtainum.

Waji atsumnawa

Tsanimpa duke kagaju.

Achimtikata wajupa tsanimpa duke kagaju japa nawesh najanamume nunu.





Daag:

Unuimagbau iwainmamau

Jintinkagtin ujamau

Jintinkagtin uchi aidaun anentaimtikawai wajina takasagmayi.

Kumpajijai augmattsagtatui wajina takasagmayi nuna.



Yamai ame dakumkata tita wajina wakejusash takasajiawa.








**lina muunji takatai
najankamu dekaami**



Kagka



Tujushiku



Kantash



Kamit



Putu



Kugkui

Kibata

Daag:

Namak mina nugkajui ayamu dekamu

Jintinkagtin ujamau

Jintinkagtin iniawai:

- Waji namaka wainin ainagme.

Maki makichik uchi aidau dakumui papii pujanum namakan, apajish waji namaknak mainiawa nuna.

Kumpaji aidaun ujawai namak dakumkamujin.




Uwejin awatkiag namaka dajin adaiwai chichaman akanag. Nuwigtush tsekeakush takamainai.

Uchi aidau etsejuinawai ditash namaknash itugka inagkamunak yuwatasash wakeyin ainawa.

Juinawai papiin pujan dakumjamu diisag takasti tusa pag. T-4.

Namaknum anugjata namak aidau, dutikam amina namak shiig awatamu tenteata .





Daag:

Namak wasugkamami

Jintinkagtin ujamau

Papinum najanainawai namakan nuniashkush dukanum maki makichik uchi wej namakan.

Chichaman uminawai wajuk wasugkamawagtatua.

Aga jinkiag egawai agkantun namak najankamun batsastatus. Namak kakajus maumainun etegkeg umiawai.

Jim jim wajainawai kumpajijai nunik agsean ajuntuinawai namakan maatatus ajuinawai sup imania pataka dakapmamsatin.

Inagnakag etsejuinawai wajupa namaknash maawaje nuna.

Ejeyinawai yaa kuwashtash mae, yaa ujumchikesh mae nuwintu yaa betekash mae namaknash.

Jintinkagtin tinamui papiin.




Waji atsumnawa

Agsea najankamu, namak nish nimtin najagkamu, nuwintu najanamu amainai dukajaishkam.

Wajupa namakan maawaje dekapam diisam tegtee aiudau jakimtijata . Nuniakum yaa ima kuwasht maawaje nuu tegteata.



Three horizontal dashed lines for writing practice.



Daag:

Iina nugkenish namakash wajuk mautaiyainta

Jintinkagtin ujamau

Jintinkagtin ayamtainum juwawai agsean nunik uchi aidaun iniawai.

- Yaa agsea takatnash dekawa.

Uchi aidaun augmattuinaawai diita agseajai ajunbaun.

Uchi aidaun iwainawai wasugkamainak diita apajish namaka maatasash wajuknuk ainawa nuna pachisag.

Jintinkagtin inimui:

- Namaknash wajuk mainiawa aishmagkush. Nuwasha.

Uchish namaknumash wajukeawa.


Wajinak takaush ainawa namaka pachintakush.

Apag muntan ijajainawai namak main atasaish wajig takataigkita nuna ujatkatitusa.

Jintinkagtin pachis ekek ujawai uchi aidaun.

Dakumjamu diisam amina nugkeminish wajina takachu ainawa nunú jakimtijata.





Daag:

Namak pachisa wasugkabau

Jintinkagtin ujamau

Jintinkagtin tinamui namak dakunjamun pag. T5 nuniak ujawai papiin ninukti tusa ijugbau diisag ninukta tusa.

Jintinkagtin uchi aidaun iniawai, itugmainaita namakash ekemkati tusaish.

Uchi aidau etegkenawai diita namak ninugbaujin nuniak anentaimui tikichish wajuk najanmainaita nuna.

Jintinkagtin ujawai uchi aidaun, wasugkamami kagka tupikamu, tujash achitsuk umpuijum ekektajum tusa.

Uchi agkan batsamas diita etegjamun wasugkamainawai.

Dakumui nugka tsentsakag. Dekatkauk tuwi juwaki wetatji, tuwi wegakuiya inagnaktatji.

Ijumui wej uchin akanag.

Namakan najanainawai ninujag, ijuja tsentsagbaun diis.

Maki makichik juki namakan apujui tsentsagbaunum, nunik umpuiniag emainawai.

Kuwaegak wegamunum jintinkagtin tawai anig wajantajum tusa, iniawai:

- Yaa eemkash pujawa.
- Yaa inagnamush pujawa.
- Amina namakjumesh wajinma pujawa.


Anik wasuwasugkamainakua jeginawai diita mamikjamujin.

Maki makichik uchi etsegmamainawai, namakjin jukish yayaa tantame tusa.


Dakumkata namakash wajuk jegawagme inagnamunmash jegatasamesh, dutikam kumpajum aidau ujakta amesh wajinma juwakmume.



Three horizontal dashed lines for writing practice.



Paampa kesaja namak inagbau



Paampa kesaja basamka namakjai inagkami

Jintinkagtin ujamau

Iina dukuji ipami paampa basamka inagkatasa namakjai.

Uchi aidau ijunag chichainawai diitash wajinma yaimkagtatua nuna pachisag.

Dukug chichamun jikatus antuinawai, nuniak yaimainawai dukug juu jutikata tutai.

Takasa wegamunum dukug etsejui paampash wajuk kesataiyaita nuniak tawai kuitamamkatajum yumi sukutin asepawainum.

Najukmatai yuwatasajan dekatkauk ikigmataiyai.

Anenawai diita unuimagbaujin.

- Inagkatasaish Waji atsumnawa
- Wajuk inagkagme pegkeg kuta najaneati tusash.

Kajimatkgig tusag againawai.

Tuwi takanua

Ayamtai agajin.




Waji atsumnawa

Paampa, namak, yumi, wee, kesatai, sum.

Umikta wajjai najanme.



Three horizontal dashed lines for writing.



Daag:

Uchi tsakat namakan yumainchau aidau

Jintinkagtin ujamau

Jintinkagtin ipawai dukujun ayamtainum taa ujakti tusa uchi aidaush tuu namak aidau yumainchau ainawa nuna pachis.

Uchi aidau inimainawai diitash shiig antukagtatus.

Jintinkagtin iwaintawai namaka wakani aidau. Uchi aidau etegkenawai diita namak yumainchau aidau.

Jintinkagtin anemtikawai uchi aidau baus, pepen aidau yumainchau ainawai atak muun wenakush wajukmain ainawa nuna diisag.

Uchi aidau jintinkagtin iniawai tikish namaknash diitash dekainatsuash yumainchau aidau.

Tuwi takanua

Makichik dukug.

Waji atsumnawa

Namaka wakani dakumjamu pepen, baus, pepen niish nimtin aidau, kagka, tujushik, kusea, tugkae, mamayak, tsutsum, pani.

Papii nanejam yantamen anujata uchi bausan yuwakush wajukmainaita nunu diisam.



Three horizontal dashed lines for writing.



6



4



5



5



6

Daag:

Kanunum wekaesami

Jintinkagtin ujamau

Jintinkagtin uchin iwaintawai wej shimpi duken dutika uchi aidaun iniawai, juu duka juwish wajuk wasugkamtaiyaita.

Uchi aidau iwainawai wasugkamtain.

Chichaman uminawai wajuk wasugkamattawa iyashin umimtiktsukesh kumpajijaish

Imanis niina kumpajijai yapag.awag wasugkamainawai.

Jintinkagtin inimui:

- Shimpi waagkujinish uchish wajupa chimpimainaita.
- Wajupa uchish atsumnawa awekastasaish.
- Kam uchi egkea awekastasaish wajupa atsumaji japikti tusaish.
- Mina awekattsati tusanush wajupa uchina atsumaja.

Waji ayamtainmash awa nunash juki awekaumainai

Tinamui takasti tusa

Tuwi takanua
Shimpi.

Kanu dakumkamunum wajupa uchi atsawa agatkamujai betek ati takujish nunu diisam anujata.





Daag:

Unuimagbau iwainmamau

Jintinkagtin ujamau

Jintinkagtin uchi aidaun anentaimtikawai wajina takasagmayi.

Kumpajijai augmattsagtatui wajina takasagmayi nuna.

Yamai ame dakumkata tita wajina wakejusash takasajiawa.




Three horizontal dashed lines for writing practice, located to the right of the girl's illustration.






**Awantua najantai
dekaami**

Etsa Bachigjai itipak najanamu



Etsa



Bachig

Etsa Bachigjai itipak najanamu

Makichik tsawantai Etsa ujuchi dasayagtatus pujai, Bachig ijaak taa ekemas iniau, kumpaju itugkatnua aikame tama Etsashkam itipak najanatnun kutamatasan jutikajai. Tutai ekemas antuk anentaimas taya tuwajame, untsu kumpaju iijai najanami wisha yamai wakan umiktajai. Tutai Etsa ayaak ayu amesh takumek ayamtsuk ekemsam umikam taam autusta tiu tama ayu takug jeen wakitkiu tuwajame.



Etsak Bachig waketaig waamak takaya tuwajame ujuchin dasayag ijumag, takatai aidaun ashi umik wajaya.

Nuniai Bachigchishkam jeen jega chimpui juwakug ekemas ujuchi dasayag umik pempenak kugkuki duken ichiag ita pempeag numinum paket anug jigka jigka awasau nuniak shiig yacha asa waamak takas emau.



Ashi ujuch nenaja takastinun umik Etsas wajukeawaki tusa
ijaak jeen wejeu. Etsa jeen jegamtai, iniau wajuksaupā tusa
tama wika yama ujuchin kutama ukukjai tau. Tutai Etsa tiu
“Kumpaju yaya najanatig dakapdaisami” tutai Bachigchishkam
ayu tiu, nuna tii ukuak jeen wakitki nagkama ukukiu asa
waamak itipka najana iti itipjus Etsa jegajua wika najana
umikjai tau.



Etša chichak junaku wiyaa umiktajai timakuag takug kajeka
wajan yumigmajia tuwajame, timau asamtai itipkak waamak
najanchatai wajasia tuwajame.



Etsa bachigjai itipak najanamu

Jintinkagtin ujamau

Bachig Etsa aidau wakani inakmasta.

Waji wainjume, juju aentsu daajish yaa ainawa.

Jintinkagtin uchi aimaun antawai.

Waji augmatmauna antukagtatua nuna uchin ujawai.

- Etsash wajukatki.
- Bachigkish wajukatki.

Jintinkagtin augmatbaun nagkama augmatui.

Uchi aidau puyatjus awantua najanku dekapdaimau augmatmaun antuinawai.

Jintinkagtin iniimui:

- Wajina Etsash aikakug pujuyi.
- Jeenish yaa ijakush jegajuawaita.

- Bachig Etsanash waji tiuwaita.
- Itipak najanmaunum Bachig Etsajai dekapdaisachu ataish wajukmainuk ayi.
- Bachigkish wagkag itipkanash niyaa najanawaita.

Bachig waamak takatan takauwa iman atasaish wajukmainkita nuna pachis jintinkagtin uchijai augmatui.

Jintinkagtin atak awagki augmatbau agagbaun aujui, uchi nunik papii agagbaunum dakumkamunum achimtikati tusa.


Dakumkata Etsa Bachig augmattsamu.



Three horizontal dashed lines for writing.



yajag



kaap



Awantua najantai dekaami

Jintinkagtin ujamau

Jintinkagkin uchin yajuak ijajui, makichik muuntan dekas chagkin wampach najantan dekaun.

Apag uchin ujawai chagkin wampash najantaish tuwiyag jutaiyaita nuna. Aantsag Dukug uchin ujawai chagkin wampash aidaush wajuk kuwitamtaita nuna.

Kaap, batae yajagjin uchin apatuk diistinme wajukukita achisa diyamash katsugmashit pukuttsashit tusa inaktawai.

Uchi aidau diita dekaushmaujin iniimainawai.

Jintinkagtin ayamtainum taa uchin, tinamui kaapin, yajagjai najanamua aanun yajashni najankamun.

Kaap batae yajagjjai najankamun akanag batsawai.

Jintinkagtin iniimui:

- Wagka chagkinash yajagjaish najanmainchawaita.

- Kaap atsakuish chagkinash wajiyai najanmainaita.

Jintinkagtin uchi aimkamu antuk kaapik katsujam pegkeg asamtai iniak chagkin japimkujai najana takau ainawai tawai.

Jintinkagtin uchin anemtekawai wajuk kuitamainata chagkin waamak mamujai tusaish.

Papii takatain tinamui.

Yaa yaimainawa


Muun awantua najantan dekau.




Waji atsumnawa


Chagkin, suku, tukup, japimuk kaapi najanamu, japimuk batae kuwijjai najanamu, wampash yajagjai najanamu.




Tuu ainawa wajish yajagjai nuwigtu kaapjai najantai aiudaush nunú dakumjata. Augmattsata wagka jusha takatai ainawa.











Daag:

Kaapjai najantai dekaami

Jintinkagtin ujamau

Uchin kam kam akanag, kaap kampuham tsejeg nuwigtu esajam sutag aidaujai tinamui. Uchi titaa akanag batsastinme.

Uchi akanag ijumainawai (kampuham, tsejeg, esajam, sutag aidaun) nunik dakapainawai wajupa maki makichik akanjamunmash awa nuna, etsejuinawai wajinma atsumnawa kampuham, tsejeg aidaush.

Jintinkagtin papii takatain uchin tinamui.

Uchi aidau dakumjamun diisag wajupa kaap atsumnawa nuna dakapainawai.

Aagkamunum agajag jintinkagtinun wajupa kaapnash atsumiagtatua nuna segainawai.

Papii takatainum dakumkamu aun diis najanainawai. Kaapnash shijash ejeyaja ampinjacheash tusa diinawai.

Jintinkagtin uchi takagtai wajasa diyawai nuniak shijash dakapag juwina nuna anemtikawai.

Tuwi takanua

Ayamtai.

Waji atsumnawa

Kaapkesh numikesh esajam, sutag, kampuham, tsejeg aidau maki makichik wej ejetuata.

Dakumjamu diista. Aagkamunum agagta wajupa kaap atsumame nuniakum segamim najanata.



Three horizontal dashed lines for writing practice.



1



2



3



4



Daag:

Wajuk awantaiyaita wampachish

Jintinkagtin ujamau

Jintinkagtin iniimui:

- Jeeminish yaa wampashnash najannuwe.

Waji atsumnawa

Kajimatkgit tusa jintinkagtin uchijai wajuk wampachish najantaiyaita nuna chichama umik agawai.

Muun wampachi najannu jee ijainak weenawai.

Shiig esetus diinawai muuntash wajiyai wampachnash awantua. Muun chichagkagtamunash jikatus antuinawai.

Ayamtainum kaunawag muun takamu unuimagbaun augmatuinawai.

Jintinkagtin uchi augmatbaun agawai.

Jintinkagtin uchi antuktinme shijash agajag tusa aujui.

Uchin papii takatain tijinjai tinamui.

Yaa yaimainawa

Muun.


Tuwi takanua

Muunta jeen.

Dakumjamu diisam wajuk wampachish najantaita nunu agagta.



Three horizontal dashed lines for writing, located to the right of the girl's illustration.



Daag:

Yujumak patasa yutai najanami

Jintinkagtin ujamau

Jintinkagtin uchijai chichawai dekas puna bikajai tusa patatssa ekeni yutai najanami tusa.

Uchi anentain apujainawai wajuk najanmainkita punanum patasa ekeni yutai aidaush tusa.





Jintinkagtin uchin tinamui takatain pag. 171 Uchi jintinkagtinjai aujai wajuk juki awantuash najanawagtatua nuna pachis. Inimui utujimaun.

Jintinkagtin suwawai achu duken tsupigbaun, dutikam jintinkagtin yaigkam najanainawai.

Jintinkagtin yaimpakmatai dakumjamu diisam patasa yutai najanata.



Three horizontal dashed lines for writing.





170



Daag:

Jakit najanat unuimagmi

Jintinkagtin ujamau

Jintinkagtin uchin chinchaki duken inaktawai nuniak jujai umitia jaanch jakimtijatasa tusa ujawai.

Jaanch chinchakjai jakimtijamun inaktawai.

Uchi iniasta: wajuk chinchaki dukejaish jakitaish jimainkita.

Uchi diita anentaimaujin chichainawai nunitai jintinkagtin papinum agag anujui. Jintinkagtin wajuk chinchaki dukejaish jakitaish jimainaita nuna uchin ujawai. Wajuk diita aimkaje nunisag juunik takainawai. Jintinkagtinush wajukatig wisha atumjai dekattajai tawai.

Duwe akai itamun juki pinigka najana yumi yajaa chinchaki duken chimpia ukuawai. Dupap asa tanta diyaam antsag atai tsen tsawan ukuki diismi wajukatig tuinawai, nunik nunu tsawan jegamtai diisag yapag.maun wainak papinum agawai.

Uchin papii takatain tinamui tsawantaish chinchaki dukesh wajuk yapag.uak nuna agagti tusa.

Tsawan mamikiamu jegamtai diinawai nuniak yapag.a minimu diismaun apatuk diinawai, chinchaki jakitji jiktasaik duwenum yumi yajaa duke chimpia ukutia tuinawai.

Tuwi takanua

Ayamtainum.

Waji atsumnawa

Yumi, jaanch puju, jaanch chinchakjai jakimtijamu.

Tsawantai diista wajuku wajasa awa chinchaki duke yuminum egkea ukukmaush nunu jakimtijata. Nuniakum yumish wigka wajastasash wajupa tsawan pujusme nunu kumpajum ujakta.



Three horizontal dashed lines for writing.



Daag:

Aishmag nuwajai nugkutai aidau

Jintinkagtin ujamau

Jintinkagtin nuwa aishmag aidau nugkutain iwaintawai.

Uchi aidau jaanchish wajukuk ainawa tusa achis diinawai.

Uchi nuwa nugkutai aishmagnaujai akanag batsawai.

Jintinkagtin jaanchish wajukuk ayi iniia nugku ajakmaush, yamaish wajukunak nugkuinawa nuna uchijai augmatuinawai.

Uchi nuwaush aidau tarachin nugkuinai, aishmag aidau itipkan nugkuinawai.

Jintinkagtin papii takatain uchin tinamui.

Tuwi takanua

Ayamtainum.

Waji atsumnawa

Nugkutai aidau.

Iniia nugku ajakmau dakumjamu tsupijam uchi nuwauch aishmag aidau anujata, aikasmek tikich uchi nuwauch aishmagjai waja nunu yamaish wajuk nugkuinaji dutik anujata.



Three horizontal dashed lines for writing practice.



--	--	--	--

Daag:

Iwagmamtai najanbau

Jintinkagtin ujamau

Jintinkagtin jigkai waaji najatkamu aidaun uchin inaktawai.

Jintinkagtin iniimui:

- Waji wainjume.
- Jigkaijaish waji aikmainaita.
- Wagka jigkaish wegana.
- Yaki jigkai wegagmaunash nugkuwaita. Wajiyai aishmagkush iwagmamnush ayi.
- Wajiyai nuwash iwagmamnush ayi.
- Yaki nuwa iwagmamak nugkugtinash, kugkunash umignush ayi.

Jintinkagtin nuwak ditak jigkai ainaunak wegaja nugku ajakui tusa uchin ujawai.

Jintinkagtin yabaik jigkai atum wakegamu wegagtatjume tusa uchin ujawai.

Uchi aidau diita anentaimaun najanainawai.

Jintinkagtin kam kam uchin akanag ijumui, wegagmau wegantun tinamui, dutikam nii wakegamun etegkeawai, apatuk diyawai betekash aina tusa. Jintinkagtin takatain tinamui.






Waji atsumnawa

Jigkai waaji najatuamu aidau.

Dakumkata jigkai wegaja najanamujum.



Three horizontal dashed lines for writing, positioned to the right of the girl's illustration.



Daag:

Chimpiamu wasugkamami

Jintinkagtin ujamau

Uchi aidaujai paampa kaunkajijai tewa najankata dutikam aga batsasta.

Sup uchi ijumjam maki makichik tewa tinamkata, aga chagkin apusamunum makishkia nagkima chagkinum egkeatnume.

Dekatkau wajau papinum wajupa kumpajish nagkimash egkeatig nuna agagtatui.

Wasugkama nagkanmaunum jintinkagtin iniimui:

- Yaa chagkinnumash ima kuwashtash egkeae.
- Wagka ima kuwashat egkeae taji.

- Utugkeakjia aan kuwashat emamainitji. Papii takatain tinamui.

Tuwi takanua
Ayamtai agajin.

Waji atsumnawa
Chagkin, tewa.

Chagkinumash wajupa tewana egkeawaje nuu diisam agagta. Chagkin tewa chimpiamu apatkam diisam kuwashat chimpiju yakagta.





Daag:

Unuimagbau iwainmamau

Jintinkagtin ujamau


Jintinkagtin uchi aidaun anentaimtikawai wajina takasagmayi.

Kumpajijai augmattsagtatui wajina takasagmayi nuna.


Yamai ame dakumkata tita wajina wakejusash takasajiawa.







**lina jee pachisa
unuimagmi**



Daag:

Iina jeesh wajukuita

Jintinkagtin ujamau

Jintinkagtin tinamui takatain uchi jeen dakumkatnume tusa.

Maki makichik uchi jeen dakumkamun augmatuinawai.

Uchi diita takasbaun etsejuinak juna tuinawai:

- Wajiyai tanishmagmauwaita nuna, aantsag waji dukai jegamkamuita nuna pachis.

- Etsejunawai wajak yujumak inagtaish awa nuna.
- Yaa ainuwa batsatua jeenish.

Jeega diinawai apatuk tuwi yapag.ua, aantsag tuwi betekmamtinaita nuna.

Jintinkagtin iniawai:

- Jeminish waji yapagmainaitpa. Wagka.
- Uchi dekamujin etsejui.

Jeemin yajai batsamnume nunu dakumkata.



Three horizontal dashed lines for writing.



Daag:

Jegash wajuk jegamtaiyainta

Jintinkagtin ujamau

Jegash wajuk jegamtaiyainta, jeganash yaa jegamua.

Jega jegamaun wainkamujin augmatuinawai.

Muun jega jegamaun uchijai shiyakag diinawai.

Jeentin jega jegamku takatain iwaintak ujawai wajinum atsumtai ainawa nuna pachis, aantsag ujawai wajuk jegamtaiyaita nuna, pachis ujawai muun chichagkagtak aajam takasum pujustajum tiuwai nuu uwaemaisui tusa.

Uchi inimainawai nii anentaimas wakejamun, wajuk jegash jegamainkita nuna pachis.

Jintinkagtin, uchijai augtainum kaunawag muun chichau antukbaun patas augmatuinawai. Takatain uchin tinamui, dakumjamun.

Uchi iniiamu:

- Muun jeen jegamak numi katsuchujai takasmash wajukawainki.
- Jintinkagtin antawai uchi chichagtai, muun yacha jega jegamin ipaam ujajatkati tusa.
- Tinamui papii takastinun, dakumjamun diisa umikti tusa.
- Takatjin takasbaujin ashimak shiig aneas augmatuinawai.

**Dakumkata shugku pegkeg etejamu.
Duka yapajiamu.**





**Muun pagka
jegan jegamui**

**Muun jegan jegamak
shiig takatsui**

Muun jegamtan yacha tukee diigmaku amainai

Jintinkagtin ujamau

Jintinkagtin uchijai patas anenawai diita patayi jeega jeegamau wainkamun.

Jintinkagtin uchijai chichainawai jeega jeegamin ipam yaijatmainun, nugka, numi, duka aidau eteja jeegamtan.



Jintinkagtin uchin iniiawai:

- Wajukmainkita muun waujus takak dukan shiig jegashmash. Jintinkagtin antawai uchi tuinamun, antuk, dekas tajume tukee ipamainai muun yacha dutikam nii duka jeetan jintinjamainai tawai.
- Takatain uchin tinamui, aantsag dakumjamun ujai.

Takas ashimkantai segawai, takatjin iwainak augmattsati tusa.

Dakumkata jega tuu ima shiijash jegankaume nuu diisam jakimtijata.





Daag:

Juti batsatkamunmash wajuku jeega jeegamjamu ainawa

Jintinkagtin ujamau

Jintinkagtin uchin iniiawai ii batsatkamunum wegaja diismi wajuk jeegash jeegamjamu ainawa.

Jintinkagtin nuna diinak yujas uchin iniawai:

- Wajuku ainawa jegash.
- Jegash waiyai tsentsakagmauwaita, nunikash waji dukai jegamkamuita.

Tanish wegantush jakimtijamuk aina. jeganmash wajupa tsapui nimtaish ajawa.

Papii augtainum chimpimsag diita jeega

wainkamun pachis augmatuinawai nunik diis ejegainawai jeega dakumjamun pag. 191.

















- Jeega aidaun, nii ijak wainkamujin, papinum dakumkamujai betekmamtinun wainak akanag ijumainawai.
- Jintinkagtin uchin iniiawai: wajuwajupa ajutjamainawa jeega betekmamtinush. Yanau ima kuwashtaita. Yanau ima pipichita.

Yanau ima pipichita.

Takatain tinamui.

Anujata jeega betekmamtin aidau dutikam dakapajam tsentsasa aagkamunum batsakta.





Daag:

Augmatbau Lucia Alcántara Jee

Nuwauch Lucia Alcántara, pujuwai Trujillo, nuwig senchi etsantu asa senchi seekiyai, imanik yutatsui, jeeg jim ekeni jegamkamui tanishmagmauwai sementu ladrillujai ekenja, jeega esajig epekmauwai ayatak kuweja sementu tawa nuwi, waitik makichik aputusmauwai, numi shiig pinuma, tsapui niimtai jim muun aputusmauwai tsetsek kashi wayawai tusa vidriu saawiyai epekmauwai. Tuja Lucia patayi aidau jegaa waitainum yakii numi sapagkeamu cruz tutain aputusu ainawai, pujut pegkeg atii tusa.



Tikich nugkanmaya jeega aidau

Jintinkagtin ujamau

Takastinun tinamui pag. 193

Jintinkagtin shiig aneas, juu dakumkamu jitusjuum distajuum nunikjum augmattsatajum tawai.

Jintinkagti takatain auju, uchi wajuk takasagtatua nuna pachis.

Uchi chichagtai shiig puyatjus antujuk iniawai.

- Juu jeegash, iina jeejaish betekmantinuk aina.
- Wajjinia betekmantinchauwaita.

Jintinkagtin, uchi tamaun agas juki, ujawai jeegak jeegamtaiya wajuku nugka ainawa nunu diisa tusa.

Juju agagbau nunu jintinkagtinjai ijunjajum ausatajum.



Three horizontal dashed lines for writing.



A large empty rectangular box with a blue border, intended for writing or drawing.

Daag:

Iina jeenish wajuk yaimji

Jintinkagtin ujamau

Jintinkagtin uchi aidaun iwaintawai jeega dakumkamunum niina patayijai batsatun. Uchi aidau dakumkamu diisag etsejuinawai.

Jintinkagtin iniimui:

- Amina jeeminish wajuknume, waji takaume.
- Tuu anentaimnume jeemin yaimkumesh
- Tuu takata shijash awatamnuwa jeeminish.
- Tuu takata shijash awatamchauwe.
- Uchi aidaush diitash jeenig yaimain ainawai.

Jintinkagtin uchijai chichainawai jeen diita takamu aidaun pachis.

Jintinkagtin uchin ujawai, takakjumes wainkam atum aikmainchawk takasaigpajum tsakaja wegakjum unuimagtatjume tawai.

Jintinkagtin takastinun tinamui.

Dakumkamun diisag etsejuinawai.

Jintinkagtin iniimui.

- Amesh wajinma yaimnume jeeminish.


Dakumkata amesh wajinma yaimnume. Nunikam etsegkata, amesh yaimkumesh wajuk Dakapmamnume nunu pachisam.



Jeega jeegamkatasaik
jujai takanui



Kumpagjai jeegan
jeegamjai



Jeega uchuchiji iina augtaijin jeegamkami

Jintinkagtin ujamau

Jintinkagtin uchin ijumag chichawai nuniak jeega jegamkami yaijush iina augtaijin tawai.

Jintinkagtin uchin tawai, iina wasugkamtaiji iina augtaijin awa nujash jeegash jeegamainkaik. Wajupa muunta jeegamainaita.

Kumpajijai juunik kanajag ijumdaegag chichainawai wajina takasagtatua nuna.

Kanaja ijumdeajau diita kumpajijai chichas uminainawai wajuku niimtinna jeeganash jeegamkagtatua.

Wajupa muun atatua, wajina atsumjagtatua jeegamainakush.

Nagkanak takatan akanag sudaiyainawai diita umiktinun.

Jeegamak nagkanainak diinawai dekas umikajeash diita itatjai timaunash.

Takatain jintinkagtin tinamui takastinme tusa.

Dakumkatajum atum juga jegamkamu, adaijam etsegkata waji aidau yajuakmea takasume, wajuk nagkamam jegash takasume.



Three horizontal dashed lines for writing practice.



Daag:

Unuimagbau iwainmamau

Jintinkagtin ujamau

Jintinkagtin uchi aidaun anentaimtikawai wajina takasagmayi.

Kumpajijai augmattsagtatui wajina takasagmayi nuna.


Yamai ame dakumkata tita wajina wakejusash takasajiawa.



Three horizontal dashed lines for writing practice, located to the right of the girl's illustration.

Ii chicham
umiktin
shiig aneasa
pujustasa





Daijun nijajai yujumka yuwan

1 tsawan	2 tsawan	3 tsawan	4 tsawan	5 tsawan

Anujata uchi dushiak wajau naim tsawantai nijaju asa.





Mina takataijun tsuwamja ukuajai




1 tsawan	2 tsawan	3 tsawan	4 tsawan	5 tsawan

1 tsawan	2 tsawan	3 tsawan	4 tsawan	5 tsawan

Etsa dakumjamu anujata waji aidau ayamtainum tsuwamja ukuakme tsawantai yaimkau akumek.






Wasugkamtainnak tsagkatdainujai

1 tsawan	2 tsawan	3 tsawan	4 tsawan	5 tsawan

Daag:

Dakumkata yapi dushiau, tsawantai wasugkamtai tsagkatdaikau asam.





Ajantusan diinujai mina kumpag aidaunak

1 tsawan	2 tsawan	3 tsawan	4 tsawan	5 tsawan

Jakimtijata tesamu tsawantin kumpajum ajantusam diisu asam.



Augmatjai pujutjun



Daag:



mijan ajutui - awajunitjai

Mina patag aidau



Mina patagjai pujjai.




Mina shamataijun




*Mina waitkaja nuna
dakumjai*

Kuntin
wakejutain




Jujuna
wasugkamatan
wakegajai




Mina Ayamtaig






Juwai mina jintinjinuk












Jintinju daaji










Mina kumpag shiig
wasugkamtaijun
dakumjai














KANKA




TUJUSHIKU




KAMIT









PUTU






KANTASH










KUGKUI

















































































Juwi anujata

Kawau

Kawau ujeg
pachimkamui yagku,
samekmau, kapantu
aatus,
chichamag antukag
Imatiksag
dakumkagtinai
aenstjai betek.
Kawauk yamaik
amueka wegawai.



Kuntin
chigkijai
amuegak
wegaamu



Juwi anujata

Washi

Washik shuwig
paugtaku ainawai,
bakuig esagmai
uwejen ajawai sup
tsajap
uwej.

Juwi anujata

Bashu

Bashuk ikam
pujuwai, jigkai
nugka kakekaun
yuwai, bashuk yaki
patamnai numi
kanawe
kampugma ibaunum.

Juwi anujata

Chinchilla

Yaunchkek shiig
kuwashat ain ajakui
yamaik imanik
atsawai kuwashat
ijinawaje duwapeg
shiig pegkeg
asamtai juwainak.

Juwi anujata

Sugka


Juka pishakak
ikam muja pujuwai,
yaunchuk iina muunji
senchi maamu asa
imanik wainnatsui.
Yamai nagkamsa
uchita wainkuik
kuwitankami eme
anentsa, ashí jinawai.

Juwi anujata

Chayú

Ikam batsamin
ainawai tujash
yamaik waignatsui
numi aidau ijina
emamu asamtai
yumainji atsutai
shimawai atushat
nuwigtush jinawai
yutai atsutai.

Wasugkamku unuimagmi



El Acuerdo Nacional

El 22 de julio de 2002, los representantes de las organizaciones políticas, religiosas, del Gobierno y de la sociedad civil firmaron el compromiso de trabajar, todos, para conseguir el bienestar y desarrollo del país. Este compromiso es el Acuerdo Nacional.

El Acuerdo persigue cuatro objetivos fundamentales. Para alcanzarlos, todos los peruanos de buena voluntad tenemos, desde el lugar que ocupemos o el rol que desempeñemos, el deber y la responsabilidad de decidir, ejecutar, vigilar o defender los compromisos asumidos. Estos son tan importantes que serán respetados como políticas permanentes para el futuro.

Por esta razón, como niños, niñas, adolescentes o adultos, ya sea como estudiantes o trabajadores, debemos promover y fortalecer acciones que garanticen el cumplimiento de esos cuatro objetivos que son los siguientes:

1. Democracia y Estado de Derecho

La justicia, la paz y el desarrollo que necesitamos los peruanos sólo se pueden dar si conseguimos una verdadera democracia. El compromiso del Acuerdo Nacional es garantizar una sociedad en la que los derechos son respetados y los ciudadanos viven seguros y expresan con libertad sus opiniones a partir del diálogo abierto y enriquecedor; decidiendo lo mejor para el país.

2. Equidad y Justicia Social

Para poder construir nuestra democracia, es necesario que cada una de las personas que con-

formamos esta sociedad, nos sintamos parte de ella. Con este fin, el Acuerdo promoverá el acceso a las oportunidades económicas, sociales, culturales y políticas. Todos los peruanos tenemos derecho a un empleo digno, a una educación de calidad, a una salud integral, a un lugar para vivir. Así, alcanzaremos el desarrollo pleno.

3. Competitividad del País

Para afianzar la economía, el Acuerdo se compromete a fomentar el espíritu de competitividad en las empresas, es decir, mejorar la calidad de los productos y servicios, asegurar el acceso a la formalización de las pequeñas empresas y sumar esfuerzos para fomentar la colocación de nuestros productos en los mercados internacionales.

4. Estado Eficiente, Transparente y Descentralizado

Es de vital importancia que el Estado cumpla con sus obligaciones de manera eficiente y transparente para ponerse al servicio de todos los peruanos. El Acuerdo se compromete a modernizar la administración pública, desarrollar instrumentos que eliminen la corrupción o el uso indebido del poder. Asimismo, descentralizar el poder y la economía para asegurar que el Estado sirva a todos los peruanos sin excepción. Mediante el Acuerdo Nacional nos comprometemos a desarrollar maneras de controlar el cumplimiento de estas políticas de Estado, a brindar apoyo y difundir constantemente sus acciones a la sociedad en general.

Declaración Universal de los Derechos Humanos

El 10 de diciembre de 1948, la Asamblea General de las Naciones Unidas aprobó y proclamó la Declaración Universal de Derechos Humanos, cuyos artículos figuran a continuación:

Artículo 1.- Todos los seres humanos nacen libres e iguales en dignidad y derechos y (...) deben comportarse fraternalmente los unos con los otros.

Artículo 2.- Toda persona tiene todos los derechos y libertades proclamados en esta Declaración, sin distinción alguna de raza, color, sexo, idioma, religión, opinión política o de cualquier otra índole, origen nacional o social, posición económica, nacimiento o cualquier otra condición. Además, no se hará distinción alguna fundada en la condición política, jurídica o internacional del país o territorio de cuya jurisdicción dependa una persona (...).

Artículo 3.- Todo individuo tiene derecho a la vida, a la libertad y a la seguridad de su persona.

Artículo 4.- Nadie estará sometido a esclavitud ni a servidumbre; la esclavitud y la trata de esclavos están prohibidas en todas sus formas.

Artículo 5.- Nadie será sometido a torturas ni a penas o tratos crueles, inhumanos o degradantes.

Artículo 6.- Todo ser humano tiene derecho, en todas partes, al reconocimiento de su personalidad jurídica.

Artículo 7.- Todos son iguales ante la ley y tienen, sin distinción, derecho a igual protección de la ley. Todos tienen derecho a igual protección contra toda discriminación que infrinja esta Declaración (...).

Artículo 8.- Toda persona tiene derecho a un recurso efectivo, ante los tribunales nacionales competentes, que la ampare contra actos que violen sus derechos fundamentales (...).

Artículo 9.- Nadie podrá ser arbitrariamente detenido, preso ni desterrado.

Artículo 10.- Toda persona tiene derecho, en condiciones de plena igualdad, a ser oída públicamente y con justicia por un tribunal independiente e imparcial, para la determinación de sus derechos y obligaciones o para el examen de cualquier acusación contra ella en materia penal.

Artículo 11.-

1. Toda persona acusada de delito tiene derecho a que se presuma su inocencia mientras no se pruebe su culpabilidad (...).
2. Nadie será condenado por actos u omisiones que en el momento de cometerse no fueron delictivos según el Derecho nacional o internacional. Tampoco se impondrá pena más grave que la aplicable en el momento de la comisión del delito.

Artículo 12.- Nadie será objeto de injerencias arbitrarias en su vida privada, su familia, su domicilio o su correspondencia, ni de ataques a su honra o a su reputación. Toda persona tiene derecho a la protección de la ley contra tales injerencias o ataques.

Artículo 13.-

1. Toda persona tiene derecho a circular libremente y a elegir su residencia en el territorio de un Estado.
2. Toda persona tiene derecho a salir de cualquier país, incluso del propio, y a regresar a su país.

Artículo 14.-

1. En caso de persecución, toda persona tiene derecho a buscar asilo, y a disfrutar de él, en cualquier país.
2. Este derecho no podrá ser invocado contra una acción judicial realmente originada por delitos comunes o por actos opuestos a los propósitos y principios de las Naciones Unidas.

Artículo 15.-

1. Toda persona tiene derecho a una nacionalidad.
2. A nadie se privará arbitrariamente de su nacionalidad ni del derecho a cambiar de nacionalidad.

Artículo 16.-

1. Los hombres y las mujeres, a partir de la edad núbil, tienen derecho, sin restricción alguna por motivos de raza, nacionalidad o religión, a casarse y fundar una familia (...).
2. Sólo mediante libre y pleno consentimiento de los futuros esposos podrá contraerse el matrimonio.
3. La familia es el elemento natural y fundamental de la sociedad y tiene derecho a la protección de la sociedad y del Estado.

Artículo 17.-

1. Toda persona tiene derecho a la propiedad, individual y colectivamente.
2. Nadie será privado arbitrariamente de su propiedad.

Artículo 18.- Toda persona tiene derecho a la libertad de pensamiento, de conciencia y de religión (...).

Artículo 19.- Todo individuo tiene derecho a la libertad de opinión y de expresión (...).

Artículo 20.-

1. Toda persona tiene derecho a la libertad de reunión y de asociación pacíficas.
2. Nadie podrá ser obligado a pertenecer a una asociación.

Artículo 21.-

1. Toda persona tiene derecho a participar en el gobierno de su país, directamente o por medio de representantes libremente escogidos.

2. Toda persona tiene el derecho de acceso, en condiciones de igualdad, a las funciones públicas de su país.

3. La voluntad del pueblo es la base de la autoridad del poder público; esta voluntad se expresará mediante elecciones auténticas que habrán de celebrarse periódicamente, por sufragio universal e igual y por voto secreto u otro procedimiento equivalente que garantice la libertad del voto.

Artículo 22.- Toda persona (...) tiene derecho a la seguridad social, y a obtener (...) habida cuenta de la organización y los recursos de cada Estado, la satisfacción de los derechos económicos, sociales y culturales, indispensables a su dignidad y al libre desarrollo de su personalidad.

Artículo 23.-

1. Toda persona tiene derecho al trabajo, a la libre elección de su trabajo, a condiciones equitativas y satisfactorias de trabajo y a la protección contra el desempleo.
2. Toda persona tiene derecho, sin discriminación alguna, a igual salario por trabajo igual.
3. Toda persona que trabaja tiene derecho a una remuneración equitativa y satisfactoria, que le asegure, así como a su familia, una existencia conforme a la dignidad humana y que será completada, en caso necesario, por cualesquiera otros medios de protección social.
4. Toda persona tiene derecho a fundar sindicatos y a sindicarse para la defensa de sus intereses.

Artículo 24.-

Toda persona tiene derecho al descanso, al disfrute del tiempo libre, a una limitación razonable de la duración del trabajo y a vacaciones periódicas pagadas.

Artículo 25.-

1. Toda persona tiene derecho a un nivel de vida adecuado que le asegure, así como a su familia, la salud y el bienestar, y en especial la alimentación, el vestido, la vivienda, la asistencia médica y los servicios sociales necesarios; tiene asimismo derecho a los seguros en caso de desempleo, enfermedad, invalidez, vejez u otros casos de pérdida de sus medios de subsistencia por circunstancias independientes de su voluntad.
2. La maternidad y la infancia tienen derecho a cuidados y asistencia especiales. Todos los niños, nacidos de matrimonio o fuera de matrimonio, tienen derecho a igual protección social.

Artículo 26.-

1. Toda persona tiene derecho a la educación. La educación debe ser gratuita, al menos en lo concerniente a la instrucción elemental y fundamental. La instrucción elemental será obligatoria. La instrucción técnica y profesional habrá de ser generalizada; el acceso a los estudios superiores será igual para todos, en función de los méritos respectivos.
2. La educación tendrá por objeto el pleno desarrollo de la personalidad humana y el fortalecimiento del respeto a los derechos humanos y a las libertades fundamentales; favorecerá la comprensión, la tolerancia y la amistad entre todas las naciones y todos los grupos étnicos o religiosos; y promoverá el desarrollo de las actividades de las Naciones Unidas para el mantenimiento de la paz.
3. Los padres tendrán derecho preferente a escoger el tipo de educación que habrá de darse a sus hijos.

Artículo 27.-

1. Toda persona tiene derecho a tomar parte libremente en la vida cultural de la comunidad, a gozar de las artes y a participar en el progreso científico y en los beneficios que de él resulten.
2. Toda persona tiene derecho a la protección de los intereses morales y materiales que le correspondan por razón de las producciones científicas, literarias o artísticas de que sea autora.


Artículo 28.- Toda persona tiene derecho a que se establezca un orden social e internacional en el que los derechos y libertades proclamados en esta Declaración se hagan plenamente efectivos.

Artículo 29.-

1. Toda persona tiene deberes respecto a la comunidad (...).
2. En el ejercicio de sus derechos y en el disfrute de sus libertades, toda persona estará solamente sujeta a las limitaciones establecidas por la ley con el único fin de asegurar el reconocimiento y el respeto de los derechos y libertades de los demás, y de satisfacer las justas exigencias de la moral, del orden público y del bienestar general en una sociedad democrática.
3. Estos derechos y libertades no podrán, en ningún caso, ser ejercidos en oposición a los propósitos y principios de las Naciones Unidas.

Artículo 30.- Nada en esta Declaración podrá interpretarse en el sentido de que confiere derecho alguno al Estado, a un grupo o a una persona, para emprender y desarrollar actividades (...) tendientes a la supresión de cualquiera de los derechos y libertades proclamados en esta Declaración.

SÍMBOLOS DE LA PATRIA



BANDERA NACIONAL



HIMNO NACIONAL CORO

Somos libres, seámoslo siempre,
y ante niegue sus luces el Sol,
que faltemos al voto solemne
que la Patria al Eterno elevó.

HIMNO NACIONAL



ESCUDO NACIONAL

DISTRIBUCIÓN GRATUITA
PROHIBIDA SU VENTA